

李文忠公奏稿

李文忠公奏稿

卷之十二目錄

擬駐臺莊調度摺

同治六年八月初十日

覆陳東軍濰防失事摺

同治六年八月二十二日

不罷運防片

同治六年八月二十二日

請飭東撫籌辦軍糧片

同治六年八月二十二日

江境追剿獲勝摺

同治六年九月初九日

覆陳存營馬匹片

同治六年九月初九日

賊回東境銘軍獲勝摺

同治六年九月十七日

覆陳勦辦情形片

同治六年九月十七日

移駐濟甯摺

同治六年十月初三日

現籌調度情形摺

同治六年十月十八日

銘軍安濰大勝賴逆被創略盡摺同治六年十月二十五日

請擊問閉羅縱兇之知縣片同治六年十月二十五日

銘軍鞏榆大勝陣斃任柱摺同治六年十月三十日

查明鎗斃任柱情形並銘軍保案摺同治六年十一月初五日

鼎軍海屬大勝片同治六年十一月初五日

賊竄入東現籌調度摺同治六年十一月十七日

各軍齊集賊勢窮蹙片同治六年十一月十七日

劉松山剿賊北山李祥和陣亡片同治六年十一月十七日

銘軍東境大勝摺同治六年十一月二十一日

各軍疊勝賊股瓦解摺同治六年十二月初四日

敗賊搶渡六塘河摺同治六年十二月十四日

敗賊竄襄河各軍兜追摺同治六年十二月十九日

獲奏餘匪悍目片

同治六年十二月十九日

生擒賴逆東擒肅清摺

同治六年十二月十九日

籌辦目前緊要各事片

同治六年十二月十九日

陳濬請簡用片

同治六年十二月十九日

搜捕餘匪賴逆正法摺

同治六年十二月二十七日

擒殲巨酋請獎吳毓蘭等片

同治六年十二月二十七日

李文忠公奏稿卷十二

全第一之十二

桐城吳汝綸編錄

擬駐紮莊湖度摺

同治六年八月初十日

奏爲賊過莒州受創南走臣行抵沂州察度賊情擬赴東蘇運河
交界之臺莊暫駐調度堵御恭摺奏祈

聖鑒事竊臣前過濟南聞賊渡濰河之信改道由泰安南下業經
專疏陳明拜摺後卽於七月二十九日由濟南督隊邁行八月初
一日泰安途次接據徐州鎮總兵董鳳高稟稱二十二日督馬步
七營由膠河折回二十六日將抵莒州探知賊騎過卽帶隊抄
出賊前派馬隊於秫叢中四面埋伏霎時間大股賊馬蜂擁來撲
我軍俟其逼近開放鎗礮賊墜馬者甚多該逆步隊繼進相持許
久經我馬隊伏兵齊出賊退向西追十餘里擒斬百餘名二十七

日黎明分路進躡甫過莒州南門外有馬賊萬餘西來當卽分投
迎擊步賊又四面圍裹經總兵魏興發開放劈山礮斃賊數十各
營鎗礮環擊賊死傷枕藉仍復拚命衝突營官董學友孫文科王
芝生等奮力抵殺呼聲震地軍士無不以一當百吳鳳柱又帶馬
隊攔腰橫擊賊馬步仍抵死抗拒我軍往來數十合逆股散而復
聚有騎馬賊酋數十督陣最猛經王芝生突入砍倒三名董鳳高
親督血戰兩時之久賊勢大挫各營追殺二十餘里斃賊數百生
擒一百三十餘名奪馬三百餘匹鎗礮牛驢甚多查點我軍陣亡
弁勇二十八名受傷四十餘名等情查董鳳高人數極單猝遇大
股竟能裹創惡戰以少勝眾實屬異常出力是日陣亡儘先都司
駱得標守備宋朝喜千總黃正科外委孫魁元奮勇捐軀均請
旨飭部從優議卹賊被創後聞道急趨初二日竄及日照贛榆

境內臣因東蘇運防兵力單薄先令道鳳高王永勝等各帶所部由沂州馳回臺莊灘上一帶協助守河並飭劉銘傳統率大隊緊追兜剿據該統領等稟報董鳳高於初六日到防接守貓兒窩至灘上三十里李昭慶移守韓莊至黃林莊以下王永勝已至邳州之官河夾護運防上下游擊劉銘傳同豫軍朱慶初四日追抵邳城臣因張曜稟報戴廟至靳口兵力不敷飛飭朱慶帶隊折回運河原防地段仍酌挑精銳以備游擊汶上東平等處劉銘傳偵知捻股竄聚青口日照交界卽由邳城取道海州桃林沙河向青口兜剿日內計已接仗臣又慮該逆被擊亂竄南路空虛飛飭周盛波周盛傳由邳城邳州探蹤進剿潘鼎新由嶧縣臺莊並進邳宿一帶相機會擊臣於初八日行抵沂州會晤撫臣丁寶楨知已派王成謙王正起等軍扼紫萸沂要隘之十字路該撫自帶楊飛

熊十營駐沂堵其回窺臣即督同劉秉璋沈宏富溫德勒克西馬
 德順等馬步隊進駐東蘇運河交界之臺莊就近調度初七八日
 探聞賊已由青口西北窺郟蘭境內本日又折而南趨必係窺撲
 運防查蘇境運河自宿遷仰化集以下至桃源清淮二百餘里尙
 無長牆漕臣張之萬前稱目前六塘河水勢充足惟兵力恐不可
 恃臣所調浙軍三千二百人初三四日始過揚州或為清淮稍助
 聲援臣俟抵臺莊後再行酌量分隊繞過運西前往協守如情形
 喫緊或再親赴下游察勘籌商妥為布置但南北相隔五百餘里
 未知能否起及焦灼楊任所有賊過莒州受創情形臣行抵沂州
 察度賊情擬赴臺莊暫駐調度各緣由謹繕摺出驛馳陳伏乞

皇太后

皇上聖鑒訓示謹

奏

覆陳東軍濰防失事摺

同治六年八月二十二日

奏爲欽奉

諭旨據實詳晰覆陳仰祈

聖鑒事竊臣欽奉七月二十八日

密諭飭擊戴廟及濰西兩次失事之王心安正法又奉八月初三

日

寄諭以山東貢生張垚等聯名呈訴東省兵勇勦賊不足害民有

餘飭臣查辦等因仰見

皇上整飭戎行嚴申軍律曷勝欽悚臣查行軍首重紀律而紀律

嚴明要在主帥之賞罰公平功罪允當已革總兵王心安經前撫

臣閻敬銘派令帶勇分守運河戴廟一段臣於六月下旬巡閱河

防見該處北岸長牆重濠布置頗嚴若弁勇實力憑守何至倉猝

遽陷當據該處被害民人投遞聯名稟控十數紙均稱五月十二日黎明賊至河邊王心安所部未經拒戰鎗礮無聲代賊毀牆賊卽於朱萬美營前過河焚擄等語臣復訪問東省官紳僉稱王心安平時剋扣勇糧軍心離怨營規不整以致讓賊偷渡眾論藉藉似非無因卽籍隸濟南之前任兩廣總督毛鴻寶曾經保薦丁寶楨六月初間致臣書亦云丁寶楨予智自雄慢師輕敵先有以王心安舉動乖常防務恐不足恃爲言者該撫喝斥之未幾而賊果由彼處飛渡矣王心安戴廟失事時使丁寶楨據實奏參卽不立置重典亦令荷戈遠戍尙足昭公道而服人心乃丁寶楨奏報猶飾陳戰狀仰荷

聖慈暫予寬宥洵屬格外

恩施臣以孤軍逐賊與各督撫及各省主兵須和衷共濟未便輕

有譏彈致生嫌覺當賊竄過運河臣於五月十八日摺內但略陳
東軍廢弛貽誤及至濟甯後賊竄壽萊欲與丁寶楨劉銘傳等急
圖膠萊河防臣軍力單不得不求助東軍尤須開誠布公委曲聯
絡惟聞東軍在膠萊牆壘未堅勇糧未放恐致誤事會密兩婉勸
丁寶楨留意詳查該撫覆書云並無其事乃未幾而賊又從濰河
東軍汎地竄出矣夫守河責成各有汎地必以能守汎地與否爲
功罪丁寶楨咨鈔七月二十三日奏稿意以濰河不守諉咎於藩
司潘鼎新請撥東軍查潘鼎新僅統盟軍步隊十二營初以膠萊
北口海灘七八十里無可設防乃議由膠萊河南平地橫築牆濠
三十餘里北接濰河以十營守之臣與丁寶楨皆疊奏有案潘鼎
新又以鼎軍二營接守濰河西岸十餘里其下至海口尙空六七
十里鼎軍何能獨認但盛夏水漲該處暫無須多兵入秋後水漸

淺澗潘鼎新函請添撥撫臣派軍往守皆係分所當爲丁寶楨令
王心安平字四營與道員王成謙常武十營陸續往紮既無派歸
潘鼎新統率明文潘鼎新卽不能兼管迨至失事距該藩司汛地
四十餘里賊眾一撲卽渡常武軍相離最近尙不及救似不能苛
責四十餘里外之鼎軍而丁寶楨事後牽混不責部將之不能堅
守轉怪藩司之屢請添兵是非似欠分曉潘鼎新蒙

恩僅予議處已在

聖明洞鑒之中惟各軍汛地乃行開功罪所關臣不敢不略爲剖
晰也臣於濰河疏防後函詢劉銘傳潘鼎新實在情形據劉銘傳
函復捻過濰河距銘傳汛地過遠當時不知其詳初一日沂州途
次見王心安潰勇詢知該逆撲犯王心安所紮海神廟魚里鋪等
處賊隊入營官軍尙多不知其四營隊伍傷亡過半王成謙常武

軍營將最近並未出隊接應等語潘鼎新函稱濰河空虛先以鼎
軍二營與王心安四營分守一半嗣王成謙帶常武十營到防僅
以八營填紮王心安四營原防地段鼎新因其認地過短與之力
爭該道堅不肯添又以海神廟以下無牆之河商令王心安移守
王心安已奉丁寶楨飭調回膠王成謙強留之頗相齟齬鼎新因
賊已歷境苦勸王心安暫留協守甫兩日賊警大至王成謙又不
肯就近抽援二十日辰刻賊已過河鼎新接其是刻回信云並無
賊蹤係王心安心虛等語其手書具在也賊撲河西王心安所部
亦陣亡數百人此次失事究非賊廟之比鼎新未能兼顧咎有應
得而王成謙畏葸取巧罪實難辭若專咎王心安則取巧者自謂
得計請力持平允據情衡斷等語臣覆查王成謙所呈紮營地圖
與潘鼎新函稱無異臣就王心安前後兩次疏防情形逐細考究

戴廟駐守年餘牆堅濠深竟任賊眾偷竄厥咎甚重至濰西四營
原守汎地王成謙強令讓出移置海神廟無牆之岸賊警備近長
牆未築移防甫二日而卽失事其情不無可原道員王成謙統帶
常武十營赴濰籌防旣商留王心安協守應令仍守原段設王心
安再有失事無可置喙乃該道利其已成營牆以八營填紮王心
安四營地段而令王心安移守無牆之處賊來倉猝又不分隊就
近應援實屬畏葸取巧亦應分別參辦臣過沂州晤丁寶楨面詢
王心安如何處分丁寶楨謂此次濰河失事王心安應無罪曾諭
知王心安等

朝廷加罪必爲力爭已令統帶九營赴日照防勦等語臣雖奉
旨查辦王心安現統多營近在前敵若派員拏解誠恐激之生變
丁寶楨立意袒護亦有掣肘之虞應否仰懇

聖恩將王心安罪名量從末減抑仍查照前奉

諭旨嚴飭山東撫臣另派幹員接帶該營再行擊辦之處伏候

聖裁山東候補道王成謙應否請

旨暫行革職留營效力以爲好巧誤事者戒王成謙原呈分紮濰

河地段草圖一紙併呈

御覽以備查核此外各軍如有畏縮踴擬情事容臣隨時查明懲

辦所有欽奉

諭旨據實詳晰覆陳緣由恭摺山驛具奏伏乞

皇太后

皇上聖鑒訓示謹

奏

不罷運防片

同治六年八月二十二日

再臣於八月初十日在沂州拜別後即督隊啟行十一夜馳抵臺
莊次日接劉銘傳飛報初八日在嶺榆沙河鎮佳穀山一帶遇賊
糜戰竟日追逐二十餘里擒斬頗多據擒賊供稱任賴逆首意圖
撲竄運河臣因宿遷仰化集下至桃源清江西岸尙無陸軍駐扼
卽派襄辦軍務山西布政司劉秉璋督率所部及總兵沈宏富奇
字七營山嶽莊過河趕赴桃源會合浙軍聯紮至清江以上設法
堵扼劉秉璋等卽於十四日分起拔行旋接劉銘傳報稱初十日
追抵郟城賊南竄紅花埠趕辦軍糧再行追躡十三四等日剿賊
於沭陽之黃泥河等處連獲勝仗生擒領白旗左隊逆酋蔡有城
據供該逆恐秋後運東無所掠食急欲出桃源一帶空虛之處搶
撲運河等情適據浙軍統將李耀南余朝貴稟稱行抵清江已奉

漕臣張之萬飭令進紮六塘河南岸史家集莊家灘沈家渡等處
會同歐陽利見王可陞所部分段扼堵十五六日賊隊竄至宿遷
對岸及六塘河劉老淵一帶分投猛撲皖軍程文炳漕標姚廣武
等晝夜扼擊均甚出力連日陰雨運河增漲宿遷以上長牆森布
似可無虞惟六塘河日漸淺涸各軍甫經到防未知能遏奔突否
張之萬來函亦以仰化集以下運河未經設防如竄過六塘即可
過運臣飛飭劉秉璋馳抵桃源先就西岸分紮營壘設賊南竄於
半渡扼擊之並令劉銘傳潘鼎新等緊躡賊尾兜擊牽制但恐阻
雨阻水道路泥濘師行致多阻滯殊爲焦急至從前議守運河原
恐膠萊之防倉卒難成書遠罔以扼歸路所集皖豫鄂各軍皆以
守本境者移守外戶能守固有裨大局卽不守可剋日回援計固
兩便而軍全係步隊追剿收省弁逐敗年功效毫無精力實甚

疲憊無論賊竄何處責望悉歸於微臣軍上必苦相驅迫勞怨不支勢且潰決臣日夜憂之請將稍懷忠義者皆力勸就地圍賊使其竄地較狹追勦較近我得稍屯守以更番休息賊或限方隅而漸有窮期以是會國藩創守賈魯沙河與運東臣又議守膠萊河與運西皆萬不得已相機勢而爲之非謂遂有把握也自去歲豫軍疏於汴南今則齊軍一疏於戴廟再疏於濰西人力不齊前功盡棄膠萊河防三百餘里尙不可靠沿運千里調兵數省敢自謂可恃乎

朝廷因賊竄淮河甚慮運防難以堵截會國藩聞賊竄出亦有咨緘商及守運似可中止實係老成之見臣反覆籌思賊正急欲出運萬一力堵不住亦勝負之偶然若先撤運防是示賊以弱也守運各軍早夜修防尙無疲倦較窮年追逐者勞逸飢飽略殊忽令

守又忽令不守是使軍心惶惑也運河東南北三面賊氛來往竄擾官軍分路兜逐地方必受蹂躪然不過數府州之地驅過運西則數省流毒無窮同是疆土同是赤子而未便歧視也今使罷運防而弓有制賊之法臣必速罷若更無可制賊似不若得守且守能戰卽戰盡人力以待事機如因地段爲遠疏漏致賊逸出或冬令水涸冰凍慮生他變再行相機變通辦理賊無常勢兵無定形以臣才力兵力竭蹶之狀辦此流賊尤不敢懸擬成局容隨時察度賊情會商會國藩暨各督撫妥慎籌奪除劉銘傳戰狀續行詳報外所有近日軍情並籌辦大略理合附片瀝陳伏乞

奏
聖鑒訓示謹

請飭東撫籌辦軍糧片 同治六年八月二十二日

再軍行以糧爲最要臣部湘淮各軍向食大米自調北路勦捻曾國藩創設四鎮每處皆就河道辦運米糧以資軍食嗣游擊東豫無米之處每就地辦麩穀充飢由各統領先行文地方官代向民戶照時價采買應用往往追賊緊急之時因繞赴城鎮辦糧停待一日雖稍遲緩尙無缺誤自今夏城過運河臣派各軍東征飭知經過州縣預爲定購由營照市給價取用若各統領銀錢不使卽取具營中收到糧食印條稟由臣處核明飭知糧臺發銀扣餉不使稍有賠累並咨行東省撫藩通飭遵照乃劉銘傳潘鼎新前赴膠萊沿途州縣卽有閉城不理者此次各軍由膠萊南下更形窘餓劉銘傳至郟城函云已斷糧三月初十又追賊至郟稟稱所過城寨閉關絕市有錢無處買食勇丁嗥飢致多困斃旱道艱遠斷

不能多齎行糶若地方官不爲照料關繫實大臣由泰安沂州日向鄉寨紳民謀易麩穀草料以飼人馬亦有朝不保夕之虞至臺莊則轉運較便臣過沂州時曾面商丁寶楨亟須嚴飭運東各地方官預提公款若干購存麥麩小米若干以便追軍過境給價采用一則追賊可赴事機一則公款不致虧缺誠爲兩便儼各州縣推諉貽誤各營取糶不肯給價均卽嚴行參辦昨又據劉銘傳來文咨催但未知該撫果否照行相應請

旨飭下山東撫臣查照妥速認真籌辦於軍事裨助匪淺如該州縣仍前疲玩於客軍過境坐視不理致令飢困有誤師行可否容臣隨時查明撤參伏乞

聖鑒訓示謹附片具

奏

江境追剿獲勝摺

同治六年九月初九日

奏為各軍追剿江境疊次接仗獲勝情形恭摺具陳仰祈

聖鑒事竊捻逆自濰河竄出由莒沂日照趨江南之贛榆沭陽宿

遷等處劉銘傳追剿疊勝經臣於八月二十二日附片略陳在案

先是劉銘傳督隊由邳城追賊八月初八日馳抵贛榆之沙河行

二十餘里即遇賊大股沿山南來當派善慶陳振邦馬隊迎擊往

來衝突擒斬數十名該逆抱隊且拒且走追至顏家莊逆眾抵死

回拒善慶等戰稍卻唐定奎黃桂蘭等步隊趕到分路抄擊賊向

西走馬賊復橫衝我後經丁壽昌連放炸礮火箭擊散賊又向西

南奔逃劉銘傳督軍繞邳城紅花埠十二日馳至沭陽之高流寨

賊踞沭城西新河一帶十三日我軍甫過殷坪即見賊馬前有黃

泥河水勢陡漲僅一橋可通任逆率步賊千餘堵住橋口劉銘傳

飛調步隊以鎗礮擊斃賊百餘賊棄橋走遂派劉朝幹等五營
過橋追擊賊渡沙河南奔是夜令劉盛藻搭造浮橋十四日黎明
卽率馬步過河行十餘里賊隊紛走當令陳振邦帶隊衝擊善慶
接應該逆棄輜重老弱逃奔善慶等乘勢追擊斬獲甚多賊走數
里任逆忽率眾回犯劉銘傳令黃桂蘭唐定奎由西岸進自率劉
盛藻親軍繼之善慶等馬隊迎戰五六回合步賊數千如牆而至
劉銘傳揮令步隊迎敵鎗礮如雨賊猶拚死猛撲黃桂蘭督領劉
克仁吳宏洛張士元等執長矛格鬪兩時唐定奎又率滕學義等
大呼陷陣賊紛紛潰敗尸股方撲劉盛藻隊伍未及交鋒而遁我
軍馬步緊追生擒三百餘名鎗斃及落河死者千餘並生擒領白
旗左隊逆首蔡有城一名奪獲器械騾馬甚多我軍亦傷亡數十
人追二十餘里至沱陽城南城圍立解十五日以後賊西走宿遷

對岸圖撲運河及六塘河經皖軍及漕臣防軍分投堵勒幸未得
遲連日陰雨泥水過深劉銘傳約同潘鼎新周盛波冒雨進躡二
十日抵宿遷之程寨抄擊賊館數處擒斬數十該逆由窯灣邳州
北道運河之防遂鬆此劉銘傳一軍屢次追擊獲勝之情形也潘
鼎新周盛波十五日同抵泲陽因購糧阻雨數日十九日偕銘軍
西進二十一日分路追賊我進一步賊退一步二十二日同抵埧
頭二十三日及賊於沂河東岸生擒逆首周毛兒賊不戀戰二十
四日由官湖晷渡至邳賊馬彙來撲犯均經擊退追至邳北溝上
鼎軍頗有擒獲內有賊目黃得宜一名賊復沿沂河北走謂將回
趨沂究該軍就地購糧再行躡追二十九日我軍抵邳城而賊又
直走海州潘鼎新周盛波會齊並進三十日抵海屬之雙石鋪探
賊全踞房山一帶九月初一日進發石榴寨突遇賊馬斬游騎十

餘名該逆驅全股馬步結數十團衝撲我軍以炸礮擊之且礮且進斃賊百餘潘鼎新督隊由南路兜上鎗礮齊施賊大潰走連夜竄向西南初二日盛軍仍由石榴寨向南抄擊鼎軍由房山東追該逆先以馬隊迎拒我軍以炸礮對轟賊馬四散驚潰步隊乘勢喊殺該逆亦驅步隊環擊盛戰兩時賊復潰奔追至安峰山解救難民千餘人初三日游騎突至宿遷之邵店周盛波循安峰山緊躡賊後逆眾貫行如蟻沿途旗幟左右相望賊馬時來包抄不敢偏視午刻追至流陽之高家寨盛軍出隊誘戰營官童邦傑裹創突進親放炸礮轟破馬賊十餘團賊復回拒各營鎗礮輪旋迎擊自午至申連開大小炸礮百餘彈賊死傷無算潘鼎新亦馳抵高寨併力追殺奪賊百餘騎是夜賊距我軍四五里周盛傳率部潛襲之奪賊館三處獲四十餘騎擒賊十餘名餘眾驚走初四日官

軍追抵海州之阿湖鎮逆驅老弱於十里外留馬步悍賊於阿湖
拚死一戰午刻我軍由南追及逆騎如潮迎捲而至鎗礮環擊賊
馬不能撲入步賊排結五團每團約數千人奮臂而前提督周壽
昌率五哨敵賊五團以一當百該提督脇受矛傷負創揮戰參將
孫顯寅率後營繼進殺傷相當該逆矛械全拋而敗任逆見步賊
大潰率內五營悍騎接戰總兵衛汝貴帶隊迎上各營乘勢齊進
童邦傑親燃炸礮絡繹轟擊騎賊亦被擊散潘鼎新由東路兜勦
賊向北狂奔其傷斃千餘名我軍亦有傷亡此潘鼎新周盛波兩
軍連日追勦獲勝之情形也臣因逆眾盤旋海沭邳宿交界無非
多方誤我亟肄疲我以圖乘隙竄撲運河疊飭運防各軍晝夜嚴
備劉銘傳轉戰日久士卒疲勞暫就運河灘上一帶駐紮休息昨
聞賊近宿邳復出行隊探勦潘鼎新周盛波兵力較單兼以賊到

之處城寨緊閉糧維艱軍士忍飢連日酣戰屢挫凶鋒實屬異常奮勉據周盛波稟稱賊因我軍偪擊圍竄東境掠取寒衣劉銘傳函報探賊仍欲往青口流陽似趨向尙無一定臣飛飭潘鼎新周盛波察度賊蹤如竄海流卽赴流陽扼剿遮其下竄六塘河之路如竄東境卽相機追躡一面就辦軍糧更番休養以恤兵飢而鼓士氣劉銘傳仍回灘上略息再行整隊進剿所有連旬疊次力戰陣亡之吉林委驍騎校防禦富春黑龍江防禦農吉布都司銜守備張登瀛都司擬保游擊汪百昌王德富把總衛汝倫山東補用未入流陳禮元均請

皇太后

旨敕部從優議卹以慰忠魂所有各軍追剿江境營次接仗獲勝情形謹繕摺由驛六百里馳陳伏乞

皇上聖鑒訓示謹
奏

覆陳存營馬匹片 同治六年九月初九日

再欽奉八月二十二日

寄諭曾國藩李鴻章歷次奏稱采買戰馬不下八千餘匹駝隻幾及千匹現在存營數目究有若干僧格林沁所部馬隊除裁撤外現在存營馬隊官兵照馬匹數目若干將領出色者其若干員均著李鴻章查明迅速覆奏等因欽此查曾國藩與臣歷次派員出口采辦戰馬隨時陸續發交各營募練馬勇惟鮑超劉銘傳兩軍馬隊較多鮑超馬隊十二營經曾國藩奏明裁撤令提督唐仁廉挑選廳壯馬八百匹帶赴臣營頃已編立仁字三營交其訓練協勦劉銘傳所部吉林黑龍江馬隊官兵共七百十五員名並馬勇二營係副都統善慶統帶又馬勇五營係副將陳振邦統帶此外劉秉璋潘鼎新周益波各有馬勇二三營不等李昭慶所統馬勇

四營現隨臣行營操練臣逐細察度期揔必要馬隊得力而揔極
狡悍動以萬騎夾數萬步團拚死包裹彼旣馬步並進我亦須馬
步相依立腳纔穩專用步隊則馳驟不速專用馬隊則出入太大
逆首任化邦卽任桂馬賊死黨最多僧格林沁初專以馬隊期揔
極利晚年騎將不甚得力而賊鋒過銳亦賴步隊相依蓋十餘年
慣戰之賊不比新起股匪也臣等以南人練馬隊本非素習又少
騎將經營兩年愧無成效現惟劉銘傳騎卒較多尙可與賊搏逐
然亦難操必勝其餘步隊出勦須有馬隊探護躡追昨方絨商會
國藩廣籌餉源徐議添調或俟運防得罷酌裁守軍騰出添練馬
隊之餉至馬匹到南隨營游擊疾症易生麩料難購動輒倒斃仍
須隨時購補各營駝隻運解輜重自冬徂夏奔馳楚豫東各省亦
多病斃俟飭查現存確數再行具陳至僧格林沁所部馬隊除疊

次道撤外現只吉林黑龍江黃旗馬隊三百二十員名據劉銘傳
善慶面稱爲數太少人馬亦已疲乏軍事少暇須另撤換又已革
漢軍正黃旗副都統溫德勒克西所帶察哈爾頭二起馬隊係僧
格林沁殉難後始行調到現只三百九十餘員名隨臣差遣馬匹
不足亦待新購口馬到時酌補再令出勦此外僧格林沁所部並
無餘存亦無另有將領出色之員理合附片據實覆陳伏乞

聖鑒謹

奏

賊回東境銘軍獲勝摺

同治六年九月十七日

奏為捻逆被擊回竄東境劉銘傳追剿獲勝現籌布世情形恭摺仰祈

聖鑒事竊八月初八至九月初四日各軍追剿江皖疊次戰狀於初九日詳細馳陳在案劉銘傳聞賊近宿遷初四日帶八成行隊由邳州灘上迎剿初六日抵郟城探悉潘鼎新周盛波初四日在海州阿湖鎮苦戰獲勝賊仍竄踞石榴樹以東並牛山一帶初八日即率隊東向行三十餘里至王堰地方偏是賊館當令善慶陳振邦馬隊從兩旁抄襲黃桂蘭唐定奎步隊隨後接應自率親兵二營中軍五營繼進善慶等衝進賊館該逆猝不及防互相驚潰劉銘傳督馬步隊向前急追逆眾屢創之餘紛紛退走我軍追二十餘里東至牛山擒斬三百餘名奪獲騾馬四百餘匹解散難民

千餘人賊於是夜聚住房山一帶陳振邦於三更後復派降西鄧
長安馬金敘等率領馬勇三百名襲取賊館十餘處殺賊百餘任
賴各股均卽驚遁初九日追至房山賊已北趨贛境劉銘傳因行
糧已斷曠野難購仍回邳州鼎盛二軍亦絕糧數日周盛波赴臺
莊運米潘鼎新往邳城就糧十一日賊復折走西北由邳郟境內
晝夜急趨入東潘鼎新遇賊於邳城之馬頭集派隊截擊小有斬
擒劉銘傳又自邳州出行隊速追十二日陳振邦馬隊及賊於邳
州蘭山交界之梁岬山叻鹿山一帶晝蹙賊尾夜擊賊館生擒四
十五名內有任柱左營領旗逆首王成章一名又陣斬悍賊百餘
名奪獲騾馬七百餘匹賊眾抱頭鼠竄不敢戀戰十三日賊由紅
山蘭陵竄走東軍駐守蘭陵之總兵楊飛熊迎擊十四日賊走嶧
縣山中臣派溫德勒克西馬德順等馬隊循山南兜剿賊直奔滕

縣一路韓莊以下防河各營均出隊沿河游護潘鼎新曰雨出嶧
滕相機兜進上飭其抄過城前馳往濟甯一面策應運防一面整
頓休養再行會合追勦查該逆盤旋郟宿海流之交已近月餘圖
撲蘇境運河經各軍固守緊追計不得逞劉銘傳潘鼎新周盛波
等疊次戰勝乃折而入東又由嶧滕西向必欲乘虛窺撲濟甯以
上運防先已密飭東境防河之淮軍楊鼎勳鄂軍譚仁芳劉維
楨豫軍張曜宋慶等嚴爲布扼並因豫軍汛地較短力量較厚飭
宋慶酌抽行隊在東平汶上就近游擊適據張曜稟稱秋間黃水
大漲沈口城廟南北岸平地水深數尺汪洋似湖隄牆大半漫坍
無可設守請俟水退卽設法堵築該軍避水已移蘄口東岸臣因
張曜原守戴廟一帶本係賊窺熟徑現在水勢漲發長牆坍塌兵
旣無從設守賊亦難飛渡該軍副將蔣希夷來轅面稟機宜臣

令其回商張曜俟賊竄近卽督隊在東汶附近攔頭截剿使賊不敢窺犯黃運邊界仍俟十月後水漸消涸再籌堵禦計濟甯上下有鼎軍夾擊東平汶上有豫軍夾擊目前暫可支持劉銘傳追賊過勞所部將士患病甚眾暫在邳州休養趕置寒衣豫備三冬長驅轉戰臣復抽撥運防隊伍交郭松林及時整練爲會合追剿之用並遴委員紳分赴兗沂青泰各屬會商地方官勸諭多購糧草以備追軍過境急需臣俟後路各事布置粗定再移駐濟甯督率調度所有捻逆被擊回竄東境現籌布置各緣由謹繕摺由驛馳陳伏乞

皇太后

皇上聖鑒訓示謹

奏

復陳勦辦情形片

同治六年九月十七日

再欽奉九月初六日

寄諭皖軍擊賊之時未聞該大臣派出一軍乘機要截初不料觀望遷延一至於此又九月初八日

寄諭據英翰奏皖軍在順河集擊退捻匪劉銘傳潘鼎新等何以並未緊追互相夾擊其爲意存忌刻縱賊誤事已可概見等因欽此伏讀之下惶悚曷勝查八月十四日劉銘傳在沱陽擊賊獲勝賊卽於十五六日竄至宿遷對岸圖撲運河臣於八月二十二日

附片略陳陰雨河漲宿遷長牆森布似可無虞並令劉銘傳等緊

躡兜擊但恐阻雨阻水師行多滯等語蓋宿沱之交河道紛歧一

雨便漲人馬難渡十六日以後晝夜大雨臣料劉銘傳等追軍斷

不得速劉秉璋督軍赴桃源運防十六日過宿遷適賊騎在對岸

游弋礮船擊退臣稱宿防尚無大股撲犯皖軍尚可自支臣遂日
派弁赴河干探視亦稱各營守禦尚嚴皖將並無告急求援之文
臣又料宿防必可無虞十八九以後賊漸上移聲稱撲犯絜灣皖
軍張得勝汛地臣派郭松林馳往督令各軍嚴守二十一二等日
忽報賊眾全股北走臣知係追軍趕上旋接劉銘傳潘鼎新兩報
在沈阻雨數日十九日從泥淖中覺河進躡二十日抵宿遷之程
寨略一抄擊賊即竄遁我進一步賊退一步未敢拒戰而宿遷運
防以鬆臣於九月初九日彙摺補陳在案大概軍營習氣賊甫至
則羣事張皇賊一退則鋪敘戰績臣向所痛惡每誠諸將稟報賊
情戰事勿得一語虛飾以便據實上陳白忝任軍事以來臣疏具
在可覆按也英翰遠在穎郡系念運防又力顧大局派程文炳等
出境助勦臣與該撫交好有年公義私情均深敬佩何至稍存忌

刻縱賊觀望爲此悖義昧良之舉膠萊潰防以後

朝廷責備日嚴他人處此或打一仗報一仗甚且未戰報勝以期稍寬咎戾臣自念庸懦無比謬負重肩捨勢方張殄滅無術日夜憂懼卽諸將追賊小勝何足蓋愆賴各省協力合謀奚須猜忌區區愚誠伏乞

鑒察至丁寶楨以濰河前事謂臣徇私諉咎倒置是非仰蒙

聖明詳切訓誡臣敢不悚遵臣與丁寶楨本無嫌怨自夏間賊人

竄後彼卽欲逐賊出境固身任地方之常情臣初謀困賊膠萊繼

圖扼賊運防丁寶楨皆不甚謂然惟臣專辦剿捻必思所以制賊

之方扼膠萊爲上策其次則燧之運河以東竄地較狹追剿較易

無論能否辦到勢固不得不辦卽如賊出濰河將近兩月若非運

防有備賊颺疾如飛必已竄過兩省官軍步隊尾追何及劉銘傳

追賊最速每稱往年追至千餘里行至一兩月方得見仗轉瞬則
又矣之今賊在運東不過數日數程便可躡擊一交冬令野無所
掠賊或漸窮出運不能則必求戰臣現整集各軍擬籌出三大枝
爲合力兜剿之計但捻逆人馬眾多我軍須加整練不能不稍待
時日重斷不因丁寶楨妄生訛議致涉遷延惟臣所慮實有二端
東軍約二萬餘人兵將多不得力劉銘傳周盛波各營降賊捻賊
皆供賊知東軍不足畏官紳士民亦皆知之丁寶楨拒諫飾非終
不省悟此可慮者一也客軍入境呼應不靈全賴地方官扶助照
料況捻賊到處流竄賊至兵隨城寨俱閉惟地方官偵知是兵辦
運糧草給價購以則賊常飢而兵可飽而賊亦不難滅矣臣前已
奏奉

諭旨一再嚴飭並分派員紳赴東省各郡豫商購儲尙未據報購

存符干銘鼎盛各軍昨過郟城仍辦糧不出目下各軍不憂賊之
難打獨恐軍之常飢從古不能責飢軍以用命此可慮者二也臣
受

愚至重默海大局絕不敢稍參私見亦未便引嫌緘默謹據實附
片瀝陳伏乞

聖鑒謹

奏

移駐濟甯摺

同治六年十月初三日

奏爲擒匪回竄東境圖撲運防經各軍躡嚴堵賊又折趨東南
臣移駐濟甯調度情形恭摺仰祈

聖鑒事竊擒逆被擊入東於九月十七日馳陳在案潘鼎新十六
日帶隊抵滕縣之臨城驛適賊由嶧境出竄潘鼎新且戰且行至
柴戶店賊大股來衝當添總兵張景春吳從發等分路迎擊賊退
回東路山下十八日賊騎數千復來偷襲潘鼎新先添鎗隊埋伏
樹林賊至伏起擊斃馬隊賊酋陳金福楊添燕二名餘眾潰走十
九日各營分進兜剿賊亦分兩路包襲我軍鎗礮齊發愈戰愈酣
賊騎先敗步賊紛潰直由滕縣大道北趨兗濟是晚游騎已至濟
甯南陽湖邊窺伺經鼎營水師徐道奎分投扼剿潘鼎新即馳往
濟甯策應運防二十一日賊眾由兗州走甯陽邊馬向濟甯迤北

奔竄偵知運防嚴密不敢撲犯二十二日豫軍宋慶派桂錫植帶
領馬勇由東平迎探行抵汶河正遇馬賊過河一擊卽遁我軍乘
勢追殺斃賊數十生擒十餘人張暉因黃運盛漲亦抽隊進紮汶
平之交准備會剿二十三日賊遂東走泰安折向東南大路狂竄
二十四五等日由新泰蒙陰南走似又將回竄沂莒臣將後路運
防部分略定卽於二十五日由蒙莊啟程飭徐州鎮總兵董鳳高
帶小隊移駐臺莊北岸涼州鎮總兵周盛波將所部移紮韓莊八
閘臣由韓莊南陽湖沿途察度布置二十九日馳抵濟甯賊驚漸
疑面屬劉銘傳將疲病弁勇留守邳州灘上老營藉休養以設防
卽酌帶精銳隊伍探賊所向迎頭截擊古州鎮總兵劉士奇患病
未痊所部奇字馬步八營與南贛鎮總兵王永勝開字馬步十一
營均以兵力過單未足獨當一路飭將奇營併歸郭松林統領開

營併歸楊鼎勳潘鼎新分統厚集其勢趕緊整練約本月內可先
後出勦與劉銘傳合力相機會戰所有鼎軍十九日陣亡儘先都
司楊占魁候選從九品白璧請

旨敕部從優議卹以慰忠魂所有捻逆回竄東境經各軍躡剿嚴
堵賊又折趨東南臣移駐濟甯調度情形謹繕摺由驛具陳伏乞
皇太后

皇上聖鑒謹

奏

現籌調度情形摺

同治六年十月十八日

奏為銘鼎兩軍分路進剿現籌調度情形恭摺仰祈

聖鑒事竊捻逆前月杪由新泰蒙陰南竄業經繕摺具陳旋探九

月二十九十月初一等日捻眾折由沂水越嶺東趨初三四日由

青州淄川長山西竄初五六日突至章邱臣先因賊已下竄飛催

劉銘傳由邳州灘上拔隊迎剿據報於初七日啟行初九日馳至

沂州探知賊在東路即於初十日由沂水穆陵關向青州進發臣

又慮濟南警急飭潘鼎新率部由濟甯逕趨省城迎剿適准丁寶

楨咨稱該逆在齊東馬莊等處河套搶得民船恐其乘機偷渡已

調水師駛往堵遏等語臣聞齊東城外今秋黃河決口漫淹四十

餘里水勢尙大礮船正可得力當即咨請嚴飭地方文武速將沿

河民船悉數提歸北岸不准停泊南岸水陸各營曉夜加意隄防

必能力扼北竄旋據濟南府稟報該逆沿河窺伺被守河礮船轟斃數名卽行逃去初九十等日悉數向青州竄走濟屬已無賊蹤計劉銘傳一軍正由穆陵關北來當可迎頭攔擊道遠未得續報殊深焦盼潘鼎新十四日行過肥城聞賊又東竄無庸迂道省城遂折由泰安東向若賊盤旋青境卽由博山臨朐前進會商劉銘傳合力兜剿若賊被驍南下卽由新泰蒙陰南進沂莒截剿鼎新馬隊過少飭派霆軍記名提督唐仁廉所部仁字三營並親兵馬隊馳往泰安與潘鼎新會合福建提督郭松林武毅奇字各營在臺莊整練將齊飭卽帶赴濟南與湖南提督楊鼎勳所部勳開各營會合續進蓋臣部止此兵力運防千里所調各軍尙不敷布楊鼎勳分守濟甯南至石佛一帶周盛波周盛傳分守韓莊八閘一帶鄭國魁張桂芳孔昭石等分守大泛口至灘上一帶劉銘傳留

各營二成隊分守灘上至貓兒窩一帶李昭慶劉秉璋本接守宿
遷仰化集下至清江之楊莊經漕臣張之萬商議移守六塘河與
漕浙皖南等軍聯紮以固清淮門戶臣又令李昭慶以四營仍紮
運西原段以四營渡運斜紮六塘河十餘里至詹家莊劉秉璋所
部全移六塘河張老爺廟至白草溝與各軍分守惟六塘水漸消
涸平地立牆甚費工力須冬月下旬牆濠可竣賊皆南竄未知能
否趕及統計臣軍分守東蘇運河及六塘河共約三百五十餘里
河道寫遠力分愈單原屬制流寇之拙計但自八月至今該逆上
下窺竄尙未闖過各軍牆濠愈加深將來水涸冰凍或不至絕
無可恃而臣忝任專征責望交集既不敢自弛運防又不敢緩於
兜勦不得已爲騰挪之計因劉銘傳聲威素著兵力略厚令其帶
八成步隊與副都統善慶溫德勒克西副將陳振邦等馬隊出勦

郭松林楊鼎勳新併武毅開奇各軍兵力亦較厚令其酌留數營
防守濟甯至石佛河牆仍帶大隊會合出剿現除留守運牆外計
有三枝游擊之師劉銘傳潘鼎新各爲一枝郭松林楊鼎勳併爲
一枝每枝均及萬人可南可北可合可分總須躡賊所向竭力會
剿隨時兼護運防但使兵到之處有糧可購或得一二好仗稍挫
兇鋒安徽撫臣英翰所派程文炳方長華一軍赴東協剿又因皖
軍宿遷運防力單必須就近援應臣商令進駐郟城爲南路適中
要地賊蹤在二百里內可以相機截擊惟北路黃防關繫尤重臣
爲運防所牽不能兼顧悚慮滋深目前黃水寬溜漸可無虞冬至
後風雪嚴寒每易凍阻近數年來惟去冬晴暖未凍天時固屬難
知人事必須預計聞直軍上下游防河水陸不過八千東軍不過
二千屆時分段打冰實不敷用查唐訓方張樹聲分駐齊河張秋

北岸均最衝要惟人敗稍單前准直隸督臣劉長佑咨稱東省范縣以下去年曾經奏明剿歸東軍防守今夏始調直軍兼防現因梟匪未靖自顧不遑請仍將范縣以下酌撥東軍協守等因東省賊在腹地恐未能分兵多顧河北惟臣揆度形勢目下運防圍密黃防可慮者自張秋至利津海口八百餘里訪聞歷年情形僅張秋至東阿魚山不足百里河套紛歧溜小力薄中泓易凍魚山下至海口河合歸槽大溜向難東合或斷東旋開不至堅久今議河北沿岸增防既恐無此兵力莫若令東軍大隊於冬臘正三箇月專駐濟南至青州一路以防爲勦過正月後仍可到處尾追蓋賊欲北竄必由青濟始能逼近河岸黃河下游實以濟南青州爲門戶若以東軍二萬分駐梭巡賊來迎擊賊去勤操不獨有裨大局且可練成勁旅賊知南岸有備自不敢乘虛直突臣所派游擊各

軍屆時當緊躡賊蹤自北而南節節兜剿爲遮蔽黃運兩防之勢
但祈仰託

聖主威福黃運水涸冰凍之時防軍嚴守游軍力戰使賊勿得竄
逸耐過明正野無所掠賊技自窮殄滅或較易耳捨極奔突卽限
以運東一隅爲地尙寬微臣才弱智短議防護如竭蹶萬狀全賴
各疆臣實力扶助分任其難儻以黃運數千里之防羣然糾責於
微臣一人之身臣卽無所推諉必致敗壞全局萬不得已惟有撤
去運防專事追剿誠恐此賊終無了期各軍疲於奔命久或更生
意外之變臣身臣在行間熟知利病用敢詳悉瀝陳伏冀
聖明裁決指示俾其遵循所有銘鼎兩軍分路進剿現籌調度情
形謹繕摺由驛六百里馳陳惟乞

皇太后

皇上聖鑒訓示謹
奏

銘軍安濰大勝賴逆被創略盡摺

同治六年十月二十五日

奏爲銘軍擊賊安濰之交大獲勝仗賴逆股匪被創略盡現在督飭諸軍由海嶺南路兜剿恭摺仰祈

聖鑒事竊銘鼎兩軍分路進剿及調度情形業於十八日馳陳在案查捻逆於齊東被礮船擊退後大股東盩青州連擾樂安壽光因濰縣有糧可掠盤踞三日臣先飛催劉銘傳一軍由沂水繞出穆陵關迎頭攔截十六日行抵鄆郛地方聞賊尙在安邱濰縣一帶飽掠劉銘傳卽派參將陳鳳樓率馬勇百名前往偵探行至臨河寨卽遇賊館陳鳳樓率隊衝擊生擒任逆外五營賊目潘偵一名并其黨十餘人訊供賊擄糧之後卽欲颺走劉銘傳恐該逆開風潛遁攻其不備督軍於四更拔隊十七日黎明至臨河寨見賊踞松樹山一帶馬步重疊懸互數十餘里劉銘傳卽分軍三路劉

克仁左軍六營同善慶馬兵五營爲一路唐定奎右軍六營同陳振邦馬勇五營爲一路劉銘傳自率劉盛休滕學義等中軍六營并親兵兩營爲一路徐邦道陳鳳樓率馬勇兩營大呼殺入銳不可當賊不虞我軍之驟至倉皇整隊拚命抗拒我軍分路迎擊唐定奎等抄賊於右劉克仁等抄賊於左滕學義劉盛休等直搗賊巢該逆抵敵片時我軍收路包進所有松樹山以西賊館十餘處賊眾二千餘名全數撲滅生擒藍旗賊首張斯潘德楊三洼等三名陣斬賊目王雙如等十餘名奪獲騾馬一千六百餘匹維時任逆率馬賊二千餘由東飛奔而來賴逆亦率馬步三千餘由南巔擁齊至劉銘傳自督中左各營東拒任逆分派陳振邦唐定奎兩軍南擊賴逆我軍無不以一當百賴逆不敢接戰率黨回奔任逆踞牟山頂經善慶陳鳳樓等猛擊十餘回合賊不少卻劉克仁劉

盛瑄率步隊繼進，疊放排鎗，賊始不支，潰向牟山東去。我軍追逐數里，該逆復同牛逆白旗步賊數千，併力回拒。劉克仁、滕學義、徐邦道率軍追至大戰，陳振邦、唐定奎逐走賴逆之後，亦向東路合進。任牛兩酋見我軍勢盛，不敢抵戰，繞過汶河向安邱城北竄走。劉銘傳即督令各軍由汶河南岸跟追，當任賴兩逆之兩路猛撲也。我兵分路禦之，賴逆不戰先潰，竄往牟山之南，爲大軍所隔，不得與諸逆合股。任牛二逆潛由安邱城西與賴逆合，劉銘傳在山頂瞭見，即令步軍速進，抵任逆，又派陳振邦、善慶、溫德勒克西、徐邦道、陳鳳樓等，迅帶馬隊合擊，賴逆追至東嶺，賴逆所部已逃去大半，僅贖步賊千餘，經馬隊四路抄擊，撿斬殆盡。生擒僞天將張大有、僞恭天福、邱姓等數名，並賊眷十餘人。任牛各逆見勢不支，亦繞向安邱東北，由高密諸城一路南竄。此劉銘傳一日三戰。

連獲全勝之實在情形也據該提督馳報前來臣查捻逆因運防嚴密不能竄出飢寒交迫游弋東路志在擄掠爲禦冬之計此次久擾濰縣難保不折回青濟窺伺黃防經劉銘傳開道繞出其前奮力痛擊賴逆一股被創略盡洵足壯

天威而制狡謀潘鼎新自肥城改道由泰安東向節經臣飭令由博山臨朐出穆陵關計現在當已與銘軍會合追剿該逆大創之餘必從諸莒直趨海嶺則南路運防又形喫重郭松林武毅一軍整練已齊來濟候調臣飭該提督與楊鼎勳所部勦開各營合爲一路剋日遡發取道沂郯探賊所向與劉銘傳程文炳等合力兜剿若再能痛挫兇鋒解散必眾賊黨漸離或可收聚殲之效此次劉銘傳一軍赴機甚速苦戰獲勝在事員弁兵勇奮往爭先實屬異常出力合無仰懇

天恩准臣查明彙案保獎以勵士氣所有銘軍大獲勝仗及臣督
催各軍馳往南路會合兜勦情形謹專摺由驛六百里馳

奏伏乞

康太后

皇上聖鑒訓示謹

奏

請拏問閉糴縱兇之知縣片

同治六年十月二十五日

再征軍以行糧爲急必須地方官預爲購儲隨時由營給價取用始得一意追賊無誤事機疊奉

嚴旨飭山東各州縣購糧存儲以濟軍食經臣各催丁寶楨飭辦在案茲據劉銘傳文稱該軍十七日在安邱城外接仗大勝是晚收隊住宿城東遣游擊宇文建持諭進城知會該縣知縣李舒翹購辦軍糧城上人不由分說竟將該游擊開鎗擊斃復誘李舒翹劉長進千總王得勝什長李應書搶去馬匹衣物不知存亡劉銘傳恐該縣官民誤認爲賊無從分辨復令近城安阜堡寨長候選布政司理問王培專人入城告知官軍亦被鎖押十八日辰刻善慶營內吉林黑龍江馬隊官兵又被銃傷四人請

奏參查辦前來臣查銘軍在城外鏖戰竟日兵勝賊遁該縣官民

豈竟毫無見聞卽或倉猝誤認經劉銘傳令近城寨長專人曉諭復加鎖押是誠何心且無故擊斃游擊大員誘擊官弁擄搶馬匹其爲守城人等恃蠻肆橫該縣執法避差縱民違兇已可概見若不嚴行懲辦誠恐各處紛紛效尤是追剿之軍旣苦於戰復苦於飢縱倖免於戰陣之傷亡轉難免於城寨之戕害於軍行大有關係相應請

旨將安邱縣知縣李舒翹革職拿問並勒令將開鎗戕官及誘擊弁兵搶擄衣馬之犯逐名交出交山東臬司嚴訊確情由臣等定擬具

奏以做刁抗至游擊宇文建平日打仗極爲奮勇本日血戰尙殺賊多名乃因赴城求糶猝爾被戕情形極慘深堪憫惜並籲請天恩敕部照游擊陣亡例從優議卹附片具陳伏乞

聖鑒訓示謹
奏

銘軍續榆大勝陣斃任柱摺

同治六年十月三十日

奏爲劉銘傳營慶馬步各軍乘勝追賊至贛榆城南大獲勝仗陣斃兇悍逆首偽尊王任柱卽任化邦現仍星夜緊追以期乘勢盡殲餘黨恭摺馳陳大略情形仰慰

聖慮事竊銘軍十七日在安邱濰縣之交大戰獲勝情形經臣於二十五日馳奏在案賊敗後潰向諸城南趨劉銘傳督率馬步各軍奮力兜躡二十二日追至日照地方先鋒馬勇與賊接仗鎗傷偽尊王任柱右耳際尙不甚重該逆逕奔江南贛榆縣境劉銘傳同營慶善二十四日追抵贛榆任逆憤急裹創拚命決一死戰挑選馬步悍賊數萬預伏贛榆城南村林後欲乘我軍遠道疲之以圖一逞劉銘傳與善慶等是日未刻齊抵城下詢問土人俱稱竄青口一帶距城甚遠蓋賊過民逃不知其詭狀也劉銘傳督隊由

城東進天忽大霧垂映四野昏不見人該逆突分數大股蜂擁撲來善慶等整隊攔頭迎擊衝殺三四回合馬上洋鎗連環施放任逆眾而且悍幾不能支劉銘傳親督先鋒馬勇將賴汶洗牛遂兩股擊敗復督步隊上前接應任逆自率馬賊數千直抄我後經善慶等分隊擊回該逆猶率親兵步賊拚死拒敵劉銘傳善慶嚴督馬步各軍大呼殺入鎗礮如雨賊中忽自驚喊曰魯王受鎗傷死矣賊眾一蹙而潰我軍勇氣百倍乘勢趕殺但見一羣悍逆鬪簇任逆屍身用快馬負馱而去餘眾狂奔其馬賊過眾我軍搶屍不得追殺二十餘里捨斬極多伏屍徧野旋降出藍旗馬賊數十名俱稱任逆被鎗子洞穿腰肋登時斃命劉銘傳善慶等仍督隊趕追以期乘勢盡殲賊黨業經兩次專弁飛馬馳報到臣查偽魯王任桂卽任化邦係亳州積年巨搶最爲兇悍之首逆所帶藍旗

馬步悍黨最多四年四月親王僧格林沁曹南之挫據疊次擒賊降賊皆供該逆尤與僧親王死鬪者臣屢密屬劉銘傳等懸賞購線使其自相戕殺若軍士能於陣前擒殺該逆許以破格保獎並賞銀數萬兩劉銘傳前於安邱戰勝後臣稱有逆酋潘貴升專人密信願謀殺任逆賊罪圖功該提督允給三品花翎並賞銀二萬兩等語此次據報任逆死於亂軍鎗礮之中或謂係官軍洋鎗擊斃或謂卽係潘貴升暗鎗中傷恩述之中尙難查究臣據劉銘傳善慶函報並細詢兩次來弁是日接仗及賊匪敗遁擒賊眾俱情形則任柱伏誅似已確鑿無疑餘俟確查核辦此股擒逆以任化邦及偽逆王賴汶沈牛洛紅之子牛遂等三人爲首賴汶沈係廣西老賊詭詐多謀任化邦馬賊最悍牛遂步隊最多然賊中皆稱任化邦善戰各路官軍屢爲所窘任逆不除則餘黨斷不得滅今

仰賴

聖主威福兇渠先已授首實足伸

天討而快人心惟其悍黨尙多各軍乘機兜解散舊從招納降
酋冀可漸次掃蕩潘鼎新唐仁廉已先後由莒州日照向南兜追
郭松林楊鼎勳二十六日自濟甯拔隊由滕嶧逕趨郯贛皖軍程
文炳等亦山鄒城就近迎剿臣督催各統領倍道星夜馳往與劉
銘傳前後夾擊軍勢四合剿辦當可得手又慮困獸猶鬪鋌而走
險並飛飭下游運河及六塘河防軍嚴加堵守勿任竄越以收聚
殲之功臣俟劉銘傳等續報賊情稍定或再馳赴南路督籌妥辦
頭品頂戴直隸提督劉銘傳忠勇耐勞追賊神速此次陣殲臣逆

擬先請

旨優加賞賚頭品頂戴杭州副都統善慶驍勇敢戰鎗技無敵擬

懇

恩賞穿黃馬褂已革副都統溫德勒克西謀勇穩練擬請

旨開復原官仍交軍機處記名遇有副都統缺出儘先簡放其餘
尤爲出力將士俟劉銘傳等查明具報續請優獎所有陣斃逆首
偽魯王任柱卽任化邦官軍仍星夜緊追兜剿大略情形理合由
驛六百里先行馳奏仰慰

聖廕伏乞

皇太后

皇上聖鑒訓示謹

奏

查明鎗斃任柱情形並銘軍保案摺

同治六年十一月初五日

奏為查明鎗斃首逆任柱實在情形並銘軍馬步將士疊次獲勝尤為出力人員籲請

恩獎恭摺仰祈

聖鑒事竊劉銘傳等追賊贛榆大獲勝仗陣斃逆首偽魯王任柱即任化邦經臣於十月三十日馳陳大略聲明任柱係何人殲斃俟確查核辦並續請優獎在案嗣據劉銘傳文稱十月二十四日追抵贛榆城下探知賊眾全伏東南數里外當派善慶溫德勒克西由城東進陳振邦徐邦道陳鳳樓等由城西進陳振邦等甫過西關正遇牛賴兩股馬步賊數千蜂擁而來陳鳳樓等當率馬勇迎擊四五回合賊馬稍卻步賊復持矛格鬪唐定奎步隊六營趕上衝擊劉銘傳復派劉盛休等接應其時善慶馬隊已與任逆接

仗該逆賊而且悍善慶令各旗弁兵下馬開鎗拒戰劉銘傳又派劉克仁步隊六營及丁壽昌滕學義等由城北繞出賊後以分其勢牛逆一股經唐定奎陳振邦等擊走陣斬百餘名賴逆亦卽敗遁惟任逆尙與善慶劉克仁丁壽昌等惡戰不退劉銘傳親率奮勇趕上策應鎗礮如雨之中忽見陞西潘貴升躍馬而前曰任柱已爲我鎗斃矣賊眾相驚譟遂大潰奔劉銘傳善慶揮令各軍乘勢追殺二十餘里擒斬千餘名奪獲騾馬器械極多旋降出藍旗馬賊二十餘名俱稱任逆正在指揮督戰忽鎗子洞穿腰肋而斃二十五日五鼓僞王宗賴賜福率三十餘騎來降所供任逆陣斃情形亦同查潘貴升係任柱內五營頭目素有膽氣前於安邱戰勝後密信約降遂投入陳鳳樓馬隊營內願殺任逆圖功是日接仗正酣該降所密商馬隊哨官鄧長安於烟霧之際口充賊中

旗號混入賊陣乘任逆督戰不暇後顧施鎗中斃飛馬回陣善慶
等卽乘勢率隊猛進緣賊騎眾多未及搶獲屍身嗣賴賜福等降
出據供賊中因任柱已死甚形慌亂羣推賴汶沈爲首等語臣查
捻逆頭目雖多實以僞稱王任柱卽任化邦爲最悍其將騎得法
飄忽善戰我軍幾無能制之者十餘年來剽掠數省荼毒生靈惡
貫已滿今幸仰託

聖主洪福將士用命劉銘傳於安邱一日三戰大挫兇鋒晝夜緊
追因降人潘貴升設計臨陣殲厥渠魁其餘黨較易勦辦劉銘傳
等前已懇

恩獎勵該軍馬步隊疊次打仗尤爲出力及是日陣斃逆首內應
外合各將士著有微勞據劉銘傳核實開保請奏前來相應懇懇
天恩俯准給獎以示激勸卽補參領吉爾洪額擬請

賞加副都統銜佐領興祿擬請

賞加勇號已革副都統布特哈總管哈奇祥阿格洪額雙巴圖魯
薩尼布布特哈正黃旗佐領葉普春均擬請開復原官吉林蒙古
鑲白旗佐領薩連擬請開復頂戴已革驍騎校委營總那本吉勒色楞擬請以
請開復原官以防禦補用驍騎校委營總那本吉勒色楞擬請以
防禦用並加佐領銜按察使銜江蘇卽補道丁壽昌擬請遇有江
蘇道員缺出請

旨簡放並加布政使銜記名總兵陳振邦擬請

記名以提督簡放記名總兵劉盛休劉盛瑞馮如霖均請加提督
銜儘先副將唐定奎王德成徐邦道丁達材王貴揚均擬請以總

兵

記名簡放唐定奎並請

賞加勇號儘先副將梁濟明李常付趙懷業請士成儘先參將滕學義陳鳳樓吳宏洛副將銜儘先游擊丁汝昌均擬請

賞加勇號滕學義陳鳳樓並請以副將儘先補用丁汝昌並請以參將補用參將袁明禮姚天霖唐思純蘇得勝均擬請以副將儘先補用並加總兵銜參將趙長發邱尊謙閃鳳來游擊張光亮均擬請以副將儘先補用儘先都司王保勝張佩芝謝大魁談變和守備吉玉成均擬請以游擊儘先補用王保勝張佩芝並請加副將銜守備王鳳彩擬請以都司儘先補用並請加游擊銜藍翎千總任之書馬加銀記保千總鄧長安任永清馬金敘均擬請以守備儘先補用並

賞戴花翎鄧長安並加都司銜暫免發遣留營帶隊已革記名提督劉克仁衝鋒勇敢擬請免其發遣以副將降補至潘貴升以降

酉謀殲逆首忠義可嘉先經劉銘傳允給三品花翎並賞銀二萬兩除咨商兩江督臣曾國藩由糧臺籌給賞銀以示大信外可否蒙

恩准以千總補用並

賞戴花翎加游擊銜出自逾格

鴻施湖北候補同知閻克顯擬請補缺後以知府補用江蘇候補同知直隸州密嶺榆縣知縣玉亮督練助勦出力復籌辦軍糧接濟無誤擬請俟補同知直隸州後以知府不論繁簡儘先升補先換頂戴所有查明鎗斃首逆任桂實情形並銘軍馬步將士疊次獲勝出力人員請獎各緣由理合恭摺由驛具陳伏乞

皇太后

皇上聖鑒訓示謹

奏

鼎軍海屬大勝片

同治六年十一月初五日

再正繕摺開據潘鼎新稟稱十月二十七日追至贛榆沙河寨探知賊在海州境內二十八日進至海屬上莊鎮正遇賊股北竄該司卽派提督戴春林馬隊伏於後面樹林中以潘國揚等六營由中路迎敵吳從發兩營當左路張景春兩營當右路潘鼎立兩營與薛桂榮等四營接應賊先以馬隊左右包抄經張景春等奮力擊退賊馬步大股由正面壓下困獸之鬪兇悍異常吳從發屹立如山屢撼不動鎗礮環擊賊倒紛紛潘國揚等被賊大股猛衝潘鼎新趕帶親軍馬隊督催回殺各營鼓譟齊進賊立潰奔我軍追殺三里餘忽被馬賊將前隊壓回潘國揚立斬先退者一人各營併力兜進賊遂大敗長矛馬匹拋棄滿地戴春林乘勢由後路猛追縱橫排盪殺傷甚多斃賊約二千餘人內有步隊賊酋任金保

亦係任柱之族也是晚收隊後任逆內五營李宗詩馬隊降出五百餘名據供任柱陣斃後賴汝洸苦勸眾酋爲任逆復仇拚命一戰又被官軍擊敗賊中多懷疑懼各等情前來銘軍由贛榆追至郟城之羽山續後接仗情形尙未報到目下劉銘傳潘鼎新仍分路擊追唐仁廉馬隊於初二日由沂州前進會合潘鼎新截剿郭松林楊鼎勳大隊計日亦抵郟城諸路軍勢漸合剿撫兼施當可依次得手臣本擬俟賊蹤稍定卽赴南路督辦茲審察賊情盤旋海流宿郟之交似圖撲下游運防軍已有準備游軍已漸齊集一經併力會剿雖保不伺隙北趨臣應稍緩酌奪進止疊飭劉銘傳郭松林楊鼎勳潘鼎新等互相約會務趁任逆熾燄賊解體之時穩猛兜剿使賊不稍喘息其投降馬步發爲安插解散以孤其黨而分其勢冀收廓清之效所有鼎軍在海屬截擊大勝及

現籌調度各情理合附片馳陳伏乞

聖鑒訓示謹

奏

賊竄入東現籌調度摺

同治六年十一月十七日

奏爲擒逆被擊狂竄入東各軍緊追兜剿現籌調度各情恭摺仰

祈

聖鑒事竊逆首任桂馨斃後銘鼎各軍分路追剿恐其伺隙北竄緣由經臣於初五日奏報在案旋接潘鼎新疊次稟稱十月二十八日在海州上莊戰勝是夜賊走贛榆之沙河北二十九三十等日賊至鄒嶺一帶追兵雲集沿海北趨日照之濤雒夾倉各口十一月初一日鼎軍追抵日照初二日賊走諸城初四日鼎軍追及諸城之兩城集先遇賊騎游弋我軍且進且逐之將至兩城步賊伏於後面樹林中馬賊在平地誘戰潘鼎新飭各營步隊列陣以待親督馬隊分東西路迎擊回合數四忽調大隊從岡嶺三路壓下我軍馬步夾進賊大敗狂奔殺斃甚多奪賊馬數十匹初五日

賊折由海濱竄向諸城膠州之閒午後鼎軍又追及船益場該逆一見卽走未敢接戰初六日鼎軍過留武關賊竄高密初七日鼎軍至油溝賊竄昌邑初八初九日鼎軍至北蒙賊又折向濰縣初十一兩日銘軍邀擊嶧勝潘鼎新恐賊西走青州遂繞由濰縣昌樂出壽光趕出賊前與銘軍夾擊各等語又接劉銘傳初四日在莒州函報捻逆自嶺榆擊敗日夜狂奔銘營馬勇於二十五日夜擊賊館數處該逆以後夜不止宿二十八日賊由海境偷向北竄適遇鼎軍痛剿斃賊極多賊仍折緣海濱急趨該提督慮青州所屬寨少糧多賊必投此路謀食因知鼎軍銜尾北追遂督銘軍由沈陽高溜集取道逕赴莒州以冀攔剿並飛函知會郭松林楊鼎勳等亦由莒諸北來會剿等語連日未接劉銘傳稟報戰狀但據諸城縣知縣仇恩注稟稱初六夜五鼓副都統善慶將馬隊

馳抵該境直向東北進勦黎明劉銘傳亦統馬步全軍追及在該縣東北十五里之小石橋十八里之孫村三十里之昌城北巴山莊及高密之駐清等處與賊接仗五戰皆捷斃賊無數洵屬大快人心等語又據壽光縣稟報初十日擒逆闖入該縣東南十一日寅刻劉銘傳督軍追及濰河東岸接仗獲捷城屍徧野逆眾竊蹙郭松林潘鼎新等亦卽帶兵至縣會合追勦等語是臣部各軍均已趕至東路日有戰事臣已飛飭諸將乘勝兜勦使賊勿得喘息竄徃黃河南岸又慮賊西趨檄調皖軍程文炳挑帶六成行隊由沂州進駐泰安適中之地若賊由萊蕪青石關沂水穆陵關翻山西竄卽據險邀截與劉銘傳等前後夾擊若賊由濟泰西走卽與豫軍守運之張曜宋慶等左右夾擊若賊回竄沂海卽回軍沂郟與方長華留郟之四成隊策應運防庶爲面面周到至黃河防

務關係緊要臣於十月十八日摺內豫籌大略擬請直東分任設防事理似尚平實旋疊奉

嚴旨飭籌協助臣苟力所能盡自係義無可辭查黃河冬凍惟張秋至魚山六十里河汊分歧溜小力薄嚴寒易凍防務最為喫重直隸臬司張樹聲與唐訓方分段設守兵力過單臣於十月中旬兩飭張樹聲來營妥細籌商因將該臬司舊部記名總兵張樹屏所帶樹字三營淮勇洋鎗隊撥歸該臬司調遣兵將相習較可得力張樹屏所部已於十一月初七日由濟甯運防拔隊北行飭令到張秋後打水築牆各事相機妥辦並以直省臬匪未靖兵餉難籌所有樹字三營月餉仍由蘇省一體籌濟不敢稍分畛域臣暫駐濟甯督籌運防隨身並無一營此外實亦無可抽撥所有捻逆被擊狂竄入東各軍緊追兜剿現籌調度各情謹繕摺由驛馳陳

伏乞

皇太后

皇上聖鑒訓示謹

奏

各軍齊集賊勢窮蹙片

同治六年十一月十七日

再正在繕摺間接鄂松林楊鼎勳呈報初七日行抵莒州偵知該
逆由諸城高密北趨當即寄頓輜重酌量候撤取道諸城州兼
程繞進口行百餘里將士履冰涉水寒苦異常十二日至濰縣東
南七十里之杞城瞥見塵沙蔽日自北而東適前鋒馬隊飛報擒
賊供稱該逆以我重兵在北故折而東竄等語郭松林即揮軍趨
行甫至流黃鎮即遇賊隊郭松林居左楊鼎勳居右均飭馬隊前
驅步隊繼進吳鳳柱張朝山易用剛即率所部馬勇分馳猛進吳
鳳柱胡連發躍馬陷陣手刃賊目多名賊陣稍動且前且卻我軍
步隊乘機排壓如牆而進該逆退往汶河濰河之間爲水所阻拚
死回拒步賊居中騎賊分兩翼出勢極兇狠郭松林等親督李
長樂宋德鴻張正全陳飛熊王萬釗張海龍唐宏成高占彪等各

率所部合力奮擊鎗礮環施刀矛搏刺賊勢不支紛紛斃水東遁
我軍亦渡河躡擊連戰復捷迨至余家寨三更收隊露宿林中倚
樹以憩天明仍由東路跟蹤追剿是役也計擒斬大小賊目數十
名悍賊四千餘名淹斃無數任柱之弟偽王宗任三厭代領其眾
亦受重傷救出難民三千餘人奪獲騾馬二千餘匹我軍弁勇亦
有傷亡各等情又接據副都統善慶稟報初七日會同劉銘傳追
過諸城十餘里遇賊卽督隊上前追壓該逆竟放列陣包夾善慶
分部抵敵衝殺四五回合斃賊多名餘匪往東非奔竄劉銘傳督
馬步合力追殺四十餘里初十日抵濰縣該逆由縣東往西北劉
銘傳卽刻督令進剿派善慶溫德勒克西唐仁廉各馬隊與左軍
步隊同進陳振邦馬勇與右軍步隊同進劉銘傳親督中軍馬步
由中路進該逆見勢不支向北狂奔我軍猛追生擒逆多名奪

獲騾馬器械不計其數該逆經我軍追急分爲數處亂竄直追六十餘里子刻始行紮隊十一日卯刻該逆折回東南又經我軍馬步齊進鎗礮迭施將該逆追至溯河東岸小湖邊該逆卽往湖中亂走泥淖過深我軍就此斫殺千餘名生擒及解散無數奪騾馬數千匹又據濰縣知縣靳昱稟稱十二日賊由昌邑折走濰境西北劉銘傳卽督部馳往截擊大獲全勝殲賊無算生擒多名投降二千餘人賊大潰分股四散奔竄各等情前來臣查該逆在江境負創乘虛北竄不料我軍諸路並進一時齊集遂於濰縣昌邑壽光之交來往亂走按各軍稟報初十一十二等日無路非兵無戰不捷擒斬解散約以萬計實足寒賊膽而快人心郭松林報稱賊敗竄汶濰而東情勢頗爲窮蹙似不至窺伺黃防卽使間道西趨亦不過於運河上下求逃命之路除督飭運防各軍加意堵扼

飛飭諸將乘勝窮追痛剿俟劉銘傳續報捷狀再行詳細具奏外
謹附片馳陳伏乞

聖鑒訓示謹

奏

劉松山勦賊北山李祥和陣亡片

同治六年十一月十七日

再據授陝提督劉松山馳報該軍於十月間會同統領和厚等營
壽春鎮總兵李祥和及郭寶昌等軍由蒲城白水入北山追勦捻
逆十七日行抵中部探得捻逆已竄宜川距河甚近急應飛速進
勦無如山徑險狹峻深溝坡陀上下各營隊伍須魚貫而行首
尾難於兼顧十八日該提督率前隊六營抵安子頭距洛河十里
後路各軍連紮約二十餘里十九日察看洛河水勢甚急處渡遲
緩該提督遂自率六營先渡派黃萬友帶三營押尾催諸軍陸續
進發前隊甫經渡河越嶺將抵洛川城下忽接黃萬友飛報洛河
西岸礮聲不絕後路有警該提督卽派六成隊飛速回援行至中
途據報李祥和率和厚兩營至中部之太賢村突有回匪百餘從
西北山隈翻越而上猛撲該營李祥和和厚字營營官記名提督

劉芳桂結隊穩站自率和字營奮勇殺入斃賊多名忽又衝出悍賊千餘重重包裹李祥和麾眾血戰所乘馬中鎗連斃二匹下馬步戰石臂中鎗猶復忍痛格鬪奈眾寡不敵身受多傷登時陣亡劉芳桂見統領被困率眾救護祈罔直入被賊刀斫頭面傷甚深重又受矛傷多處經郭寶昌黃萬友先後趕到力解重圍賊眾不敢抗拒遂向東北龍安鎮一帶竄去劉松山帶隊追擊因天晚路險未便深入暫收至洛河東岸紮住謀知回匪已經遠遁擒在宜川尚未他竄遂於二十一日回抵洛川相機進剿詎劉芳桂旋亦因傷殞命該提督均妥為棺殮派員護送出關呈請奏卹前來查陝省北山路徑濶雜軍行本極艱險現值擒回交託倉猝遇賊尤為變起不虞記名提督安徽壽春鎮總兵李祥和忠勇耐勞向隸曾國荃部下轉戰江皖克復安慶江甯省城屢苦

奇功入陝以來大小數十戰極爲奮勉茲以遇伏接仗力竭捐軀
軍事方殷良材遽殞深用盡傷合無仰懇

天恩敕部照提督陣亡例從優議卹並懇

特恩予謚於原籍及立功死事地方建立專祠用昭蓋績記名提
督劉芳桂救護主將奮不顧身受傷殞命亦堪悼惜應一併請

旨照提督陣亡例從優議卹以慰忠魂其餘陣亡弁勇由該提督
查明續報到時咨部核辦所有統領營官力戰死事情形理合附

片具陳伏乞

聖鑒訓示謹

奏

銘軍東境大勝摺

同治六年十一月二十一日

奏爲劉銘傳督軍在東境諸高灘濬四邑擊賊疊獲大勝餘賊敗走東南詳細情形恭摺仰祈

聖鑒事竊捻逆被擊狂竄入東各軍追剿獲勝經臣於十七日附片馳陳大略在案茲據統領銘軍直隸提督劉銘傳文稱初七日行抵諸城東十餘里遇賊北竄當派善慶等馬步各隊進擊賊卽折向東走我軍追擊四十餘里步隊至巴山馬隊至注溝賊馬千餘回鬪經陳鳳樓徐邦道等擊散陣斬紅旗賊酋鄆馬糊生益藍旗賊目張定柱並斃馬賊二百餘名奪獲戰馬二百餘匹該逆狂奔東北而去其已過濰河之馬賊數百步賊千餘悉爲我軍衝散是晚乞降馬賊俱稱賴逆等圖竄北海邊沿湖沿黃據糧再由濟甯上下搶撲運河等語劉銘傳恐賊竄青濟黃防喫重當由安邱

開道馳抵濰縣攔頭迎勦初十日賊竄濰縣東北安坨地方不虞
 我軍之先至也劉銘傳急起截擊適新授安義鎮總兵唐仁廉督
 所部仁字三營及正親兵營馬隊來濰會戰我軍行抵安坨日已
 薄暮逆眾方四散投宿當探任逆藍旗俱往東北牛李各股已至
 西北壽光一帶劉銘傳令陳振邦先鋒馬勇與丁壽昌步隊由東
 路兜擊藍旗一股該提督親督劉克仁唐定奎滕學義劉盛休等
 步隊並徐邦道陳鳳樓馬勇由正北截勦善慶溫德勒克西由西
 北抄擊復商令唐仁廉由正西繞向東擊俱約定今夜五鼓在東
 北會集整隊其藍旗股匪相距較近初更時已被先鋒馬勇擊破
 賊館十餘處大股復整隊抵拒陳振邦率勇搏戰正在相持善慶
 等起上開鎗轟擊滕學義劉盛休兩隊亦到該逆就莊抵拒我軍
 鎗破如雨劉克仁唐定奎兩軍衝入賊中擊散數館唐仁廉亦於

正而開鎗奮擊數十里鎗火相接各旗賊館人聲鼎沸全行潰散
維時月色正明我軍沿村追殺賊之大股卽向東北逃走另股爲
兵衝斷者驚遽四走劉銘傳督中軍親兵山河沿接殺三更後追
抵稻田已四十餘里月落夜黑各軍分投追捕無從尋集惟聞鎗
聲喊聲停而復起劉銘傳從火光中急行二十餘里至壽光境之
仇家莊遇唐定奎一軍攻破賊館訊擒賊知卽牛遂子宿處已潛
逃矣劉銘傳乃發號收隊馬步各軍天明俱集惟唐仁廉馬隊未
到正疑慮間忽見該部自北歸來擒賊極多據稱一夜追行百餘
里將賴李兩股擊散遇海而返當查我軍陣亡把總孫永勝黑龍
江廂藍旗披甲監領蒙庫吉爾嘎二名傷亡勇丁百餘名生擒擒
匪二千餘名奪獲騾馬三千餘匹賊已四散逃竄十一日卯刻忽
報西北賊至當派善慶徐邦道等迎擊但見賊馬零星各村潛匿

甚多該隊卽四處搜殺辰刻逆眾復由東北合股豕突而來仍欲
向西奔竄劉銘傳當督各營攔擊令劉克仁當白旗牛遂黑旗李
逆兩股唐定奎當藍旗任錠任三厭劉三貓兩股滕學義迎擊馬
賊劉銘傳親帶劉盛休五營接應吳宏洛大呼衝殺白旗賊股先
敗各軍乘勢齊進賊眾全潰唐仁廉陳鳳樓各率馬勇抄攔賊前
該逆涉河逃奔伏屍遍野拋棄長矛千餘件戰馬數百匹我軍復
追至禹王臺向東南收奔日已過午因各軍追趕一晝夜迂回苦
戰百餘里人餓馬乏當令收隊適善慶陳振邦等由西北趕到搜
殺敗賊千餘並收降白旗城西盧金輝鈕洪章尹已端黃文隆四
股共二千餘人卽分別遣留是役也其計擒斬賊三千餘名銘軍
將弁出力者已於陣斃逆首任柱案內請獎唐仁廉所部勇往耐
戰擬請酌獎數員各等情前來臣查銘軍初七月初十夜十一日

之捷前據東府各縣稟報並善慶馳報知係非常快戰任逆斃後賊眾避兵倉皇北走欲趁我重兵在南突出青濟沿黃飽掠西趨濟甯搶撲運防計甚狡黠幸劉銘傳兼程赴濰到在賊前與唐仁廉善慶等連夜攔擊該逆日走夜息我軍向以入夜襲賊爲得計然未能於黑夜中放手大戰則受創亦不得深今銘軍馬步乘勝猛進終得達旦再接再厲擒斬降散極多實足振軍威而寒賊膽是日敗賊踉蹌南竄又經郭松林楊鼎勳迎頭痛勦殲斃無數餘賊渡濰河向東南逃去臣已於十七日專片詳陳該逆由高密安邱南趨似又回沂海一路郭松林楊鼎勳劉銘傳潘鼎新等均銜尾分路兜追如再趕及痛勦數仗冀可漸次廓清惟賊股係粵捻兩逆糾結而成多十數年百戰死黨又無屯踞定所可以設法聚殲且追且勦半殺半降計需時日目下節交冬至河涸冰凍必圖

偷撲運牆以求生路臣惟嚴飭上下游運防各軍分段責成日夜固守並請

旨飭下漕督及皖豫各撫臣各飭所部一體戒備勿任死灰復燃庶藉眾力以收全功實中原大局之幸唐仁廉所部仁字營馬隊驍勇敢戰擬如劉銘傳所請擇保數員以昭激勸記名提督徐連陞請

賞給一品封典記名總兵龍太勝請遇有總兵缺出先行提奏並賞加提督銜湖南補用游擊周有才儘先都司尹昌景均請以參將儘先補用並加副將銜周有才並請

賞給勇號湖北補用同知直隸州曹南英帶隊衝鋒請免補本班以知府仍留原省儘先補用湖北補用從九品朱滋澤請免補本班以縣丞留省儘先補用並加鹽提舉銜出自逾格

恩施所有劉銘傳督軍在東境諸高灘壽四邑擲賊疊獲大勝餘賊收走東南詳細情形謹繕摺山驛五百里具

奏伏乞

皇太后

皇上聖鑒訓示謹

奏

各軍疊勝賊股瓦散摺

同治六年十二月初四日

奏爲郭松林楊鼎勳潘鼎新三軍追賊而南疊獲勝仗賊由日照沿海北趨劉銘傳會合各軍緊追二十九日在壽光瀾河洋河之交合力鏖戰大獲奇捷逆首殲擒殆盡全股瓦散僅逃脫馬賊數百現仍乘勝追殺大略情形恭摺馳陳仰慰

聖座事竊劉銘傳郭松林等前在濰縣等處連獲大勝經臣於十

一月十七二十一等日兩次馳陳在案十一月十三日郭松林楊鼎勳乘勝向東南跟追行抵夏灣接仗賊卽敗遁降任逆外五營陳懷忠馬賊千餘人十四日追一百三十里十五日及賊於膠州之鄭家寨兵至卽逃沿途小有斬獲十七日黎明大霧賊知追軍四集乘昏暗時繞兩城集山中回竄楊鼎勳郭松林亦回軍追截賊由東北沿海潰走十八日潘鼎新唐仁廉會追行抵諸膠交界

之劉午關賊猝相值倉皇亂竄唐仁廉勒馬馳逐賊折由山內急走潘鼎新督軍追至丁家村是夜賊目王占鼇帶馬賊二百餘人來降十九日潘鼎新繞出賊前二十日黎明追及膠州之小南溝乘其未備縱橫衝擊賊隊大亂拋棄婦女牲畜器械沿路不絕潘鼎新唐仁廉嚴飭各營不准離隊擄取盡力掩殺斃賊甚多餘眾且戰且走追二十餘里又殺悍賊五六百奪馬二百餘匹天忽大霧咫尺不辨唐仁廉冒霧前追方五六里賊馬步併力回犯唐仁廉督同龍太勝徐連陞等橫衝賊隊鼎軍趕上來擊殺斃粵逆偽奏王賴世就及悍賊多名奪獲賴逆偽印一顆驟馬器械以千計是晚賊目張向春趙林高帶馬賊六百餘人步賊千餘來降分別遣留賊眾日夜狂竄山高密濰縣昌樂臨淄北趨二十四日劉銘傳郭松林楊鼎勳潘鼎新會集於安邱途次商定分路兜逐二十

五日潘鼎新由濰昌繞往長山攔截西竄濟南之路劉銘傳郭松
林等逕赴青州會勦正盼望捷音頃接據劉銘傳郭松林楊鼎
勳二十九夜羽書飛報行抵青郡賊已西走因會議各營暫棄輜
重日夜痛追二十八日賊竄新城縣境見我軍追緊不敢再出海
邊偷回東竄壽光界內二十九日我軍自南而北逼賊於海濱洋
河瀾河之交該逆無處逃走拚死抵戰郭松林楊鼎勳當其東劉
銘傳當其西逆首牛遂子親持長矛率領步賊四五百人任定帶
藍旗步賊三千餘賴汶沈李允皆帶隊抵敵馬賊分兩路來撲任
三厭迎抵易用剛張朝山陳鳳樓徐邦道各營白藍馬賊迎抵善
慶陳振邦兩軍我馬交鋒數次相持不下步隊與步賊大戰連殺
三四回合西路唐定奎劉克仁猛力衝進牛逆白旗先敗任逆藍
旗經郭松林楊鼎勳及劉銘傳中軍乘勢壓下我軍馬隊徑抄賊

後該逆尙整隊回拒又屢擊敗該逆先棄步賊後棄老弱輜重再棄馬匹我軍由洋河追至瀾河僅賸馬賊數百名奪路而走是役也生擒一萬餘人殺斃不可勝數屍橫遍野四十餘里據擒賊供稱僞遵王賴汶洸已下馬投水而死任柱之親兄任定死於瀾河東岸牛遂子及任柱之弟任三厭已否就擒未及徧查寫信時已更深我軍尙未收隊明日擬挑馬隊分路窮追僅逃去馬賊數百當可剋日殲除惟軍士踏凍忍飢日食野菜仍拚命殺賊殊堪嘉憫出力將士懇先奏保所擒賊首並詳細戰狀容再查明詳報各等情前來臣查粵逆賴汶洸擒逆任柱牛遂子李允等股糾合兇悍百戰死黨流竄中原數省腹地荼毒生靈閱十餘載幾有燎原之勢自竄入東境與江鄂皖豫各督撫籌商合力防守運河以期就地兜滅日夜戰懼深恐一隙疏漏復貽數省無窮之憂又慮

勦兵不力無以蹙賊而制其死命仰賴

聖主威福

指授機宜臣戮力同心將士赴機用命偽魯王任柱偽奏王賴世就業經先後陣斃今接劉銘傳等手書又得非常奇捷逆首殲擒殆盡大股已就削平僅賸數百馬賊亡命奔逃劉銘傳等專派馬隊緊追冀可剋日成事實足伸

天討而快人心直隸提督劉銘傳首倡合守運河併軍兜剿之議智勇出眾勞苦功高福建提督郭松林湖南提督楊鼎勳忠勇耐戰迅速赴機均擬俟此股全數蕩平再籲

恩施其帶隊尤爲出力之副都統善慶溫德勒克西擬請

旨交軍機處記名遇有都統缺出儘先簡放記名提督陳振邦易用剛唐宏成宋德鴻記名總兵唐定奎吳從發李長樂轉戰功多

熟諳紀律均堪專闕之任擬請

旨另行存記簡放實缺以示優獎副將劉克仁吳鳳柱均請

記名以總兵簡放並

賞給清字巴圖魯名號副將尹昌景蔡家旺均請

賞給勇號儘先參將竇如田陳明龍均請以副將儘先補用行營
千總張勝選請以守備儘先補用並加都司銜已革記名提督高
占彪已革游擊潘國英余琪均請開復原官其餘出力文武員弁
兵勇及陣亡將士咨查明彙案分別奏請獎卹除督飭各軍趕緊
乘勝追殺將逃出馬賊盡數撲滅仍俟劉銘傳續報殲擒賊首詳
細戰狀再行具奏外所有各軍大獲奇捷賊股瓦解僅贖馬賊數
百大略情形繕摺由驛六百里馳陳伏乞

皇太后

皇上聖鑒訓示謹
奏

改賊搶渡六塘河摺

同治六年十二月十四日

奏爲東省捻逆自壽光大捷後餘眾南奔江境圖撲運防經院准各軍收降多名又乘夜搶渡六塘河浙軍防段下趨清淮現飭各軍趕緊追剿並遵

旨飭調張曜宋慶兩軍先赴河北恭摺仰祈

聖鑒事竊劉銘傳郭松林楊鼎勳等信賊海濱疊獲大勝賊股瓦

解大略情形

臣

於十二月初四日先據來函馳報在案嗣接劉銘

傳郭松林等文稱收隊後細查是日在壽光濶河等處痛剿一晝

夜殺賊無數將弁兵勇無不衣袖濺血生擒萬餘人當將著名大

小賊酋數百概行駢誅餘暫分別安置送回老營陸續資遣據獲

賊供稱逆首賴汶洸追過濶河落馬淹斃水中天已昏黑究竟未

知虛實我軍在陣上望見逃出賊騎整隊約止數百敗賊零星徧

野趕殺不盡尙有隨後遁歸賊隊者沿途追尋蹤跡荒村古樹下
往往自經或被民寨截殺賊勢實極窮蹙又據壽光縣知縣吳樹
聲稟稱賊退後赴鄉查驗該境自西北至東鄉瀾河約長四五十
里寬三五里不等賊屍枕藉分段計算不下二萬且皆髮長尺餘
兵勝賊敗時各鄉團多出寨截殺以洩積忿有文生楊錫齡等呈
報殲斃僞首王范汝增僞列王徐昌先二名並獲其木印等情臣
稔知范汝增係廣東人前爲粵逆踞守浙江紹興者也當批飭該
縣將出力紳董等查明請獎是役擒殺之多實軍興以來罕有之
捷賊之精銳已略盡矣敗賊由昌樂諸城日照嶺榆日夜狂奔初
六日距宿遷數十里圖撲運河皖軍統帶馬隊總兵牛師韓出隊
迎擊先後收降曹濬孜王了頭劉娃等千餘人徐登善收降高春
等數百人知府方長華亦收降王瀛等數百人劉銘傳督帶馬隊

於初八日趕至宿遷聞賊折竄泲陽遂派陳振邦率所部會同牛師韓馳往追剿皖軍程文炳泰安途次聞賊敗回亦於初八日回至宿遷馳赴海流搜捕詎該逆初七夜突至泲陽城南六塘河浙軍防所搶渡據統領浙軍道員李耀南稟稱是夜二更後賊眾分由興河頭張家灣處猛撲立即派隊堵剿該逆先鋒拚死由張家灣過河約有數百名後隊立即擊退擒斬甚多等語又據分防六塘下游山西布政司劉秉璋報初七夜派馬隊過河巡哨適馬賊二三百南竄猝遇我軍紛紛潰散內有賊目信有恆等百餘人乞降獻莊塌上亦有賊馬亂竄弁勇過河截追亦降數十人旋聞由浙軍地段搶渡人數無多餘皆紛紛降散已派馬隊星夜馳追頃准漕臣張之萬函稱賊竄六塘後初八日撲過鹽河欲由板關圖渡運河已派張從龍姚廣武各隊兜擊請調馬隊馳往協剿

臣已飛飭劉銘傳郭松林各派騎軍兼程赴援惟接劉銘傳初九日函稱遠道奔馳人馬僵餓善慶溫德勒克西所部之馬亦倒斃大半先令陳振邦挑精騎數百前往再派大隊繼進郭松林初八日追抵沂州趙隊南行相距過遠日久飢疲未知能否趕及該逆敗殘之餘亡命亂走清淮各軍若能就洪湖運河之交扼賊使不遠竄以待追軍併至或可合力掃除賊蹤馳疾事機難定殊深焦慮再欽奉初七初九等日

寄諭陝捻搶渡黃河竄至山西吉州飭派宋慶張曜程文炳各軍分道入晉兼防河北查運東餘匪未盡張曜宋慶原防戴廟至斯口地段甚長臣實無兵可調惟晉省毗連畿疆關係緊要自應先其所急暫派記名提督吳雲集添募小隊並帶仁字兩營馬隊前往戴廟一帶接替巡防檄飭宋慶張曜剋日束裝兼程進發應否

分路入晉抑併由何路進取由河南撫臣李鶴年酌核飭避張曜
宋慶協力防剿東捻半載以來勞勩倍常懇懇

恩准飭撫臣李鶴年查核奏請獎勵皖軍程文炳現已追賊南下
臣飛檄行知並飭候安徽撫臣英翰相機酌調所有收捻南奔江
境經皖淮各軍收降多名又乘夜搶渡六塘河浙軍防段下趨清
淮現飭各軍趕緊追剿並飭訓宋慶張曜兩軍先赴河北各緣由
謹繕摺由驛六百里馳陳伏乞

皇太后

皇上聖鑒訓示謹

奏

敗賊竄襄河各軍兜追摺

同治六年十二月十九日

奏爲擒逆餘賊南奔江境迎東六塘河以北敗賊業經次第收降其竄過六塘之賊又經追軍擊敗由清淮下走高寶邵伯襄河一帶窮蹙已甚各軍晝夜兜追恭摺仰祈

聖鑒事竊劉銘傳等前在東省壽光濰河等處大獲全勝餘賊無多南奔江境搶渡六塘河下趨清淮起飭各軍追剿經臣於十二月初四十四等日先後馳報在案當賊過六塘時臣即飛飭駐守桃源運河之候選道李昭慶分守六塘下游之山西布政使劉秉璋各派行隊會同長江水師提督黃吳升就近馳往兜剿並雨屬劉銘傳郭松林楊鼎勳督隊追擊六塘河北岸餘賊仍分馬隊赴清淮協剿疊接李昭慶函稱初八日連夜挑帶各營二成步隊向清江沿途探剿仍飭在防將士加意守禦初十追抵清江據各營

官馳稟初九日六塘河北岸餘賊竄丁家嘴朱林渡一帶總兵王有明副將王芝生各挑隊過河迎擊直衝賊館該逆紛紛驚潰我軍追至包家河頭賊竄無路環跪乞降計收撫一千數百人飭卽薙髮暫行安置其過河之賊是日竄過淮安經漕軍姚廣武擒獲數百人劉秉璋所部馬隊追及山竄交界張橋地方戰勝又擒獲數百名僅餘三四百人向寶應高郵一路竄去李昭慶卽連夜督隊緊追又接劉秉璋函報賊過六塘卽派總兵者貴葉志超楊岐珍馬隊三營連夜追剿初九日午刻及賊於清江老壩地方小有斬獲初十日黎明追至淮城東南四十餘里之張橋賊甫掠食葉志超從北路衝入該逆燦爛回撲葉志超腰受矛傷者貴從南路楊岐珍從中路殺入賊勢大潰擒斬五六百名敗賊向寶應奔去劉秉璋又添派九營五成步隊親督繼進跟蹤緊追又接黃翼升

西報初八日抽調礮船會同李昭慶南下初十日未刻馳抵淮城
下之平橋賊正欲由該處渡迎立即堵擊劉秉璋姚廣武馬隊均
已追至賊不敢撲循高寶河隄下竄黃翼升連夜跟蹤急進各等
語又劉銘傳派令陳振邦帶領馬隊會同皖軍程文炳牛師韓道
往沅陽搜剿初九日途遇賊酋任根住百餘名乞降運東六塘河
以北已無餘匪陳振邦牛師韓等即赴清江劉銘傳隨後亦同善
慶趙宗道等挑帶馬隊由清淮追去郭松林督帶騎隊及新編降
騎與楊鼎勳馬隊由沂州南進聞敗逆已過六塘即繞道疾行六
百里十二日亦抵清江次日向南追去頃接李昭慶十二日自高
郵來書十一日賊由邵伯欲往揚州爲六開橫河急溜所阻折趨
仙女廟聞竄向泰州裏河一帶黃翼升礮船已進裏河劉秉璋馬
隊去賊僅數十里頃當追及莫可就地殲除臣初聞該逆餘眾搶

過六塘恐其由清淮上下水淺處乘夜渡運雖人數無多必致竄
擾皖豫到處襄脅又成不了之局幸漕臣所部與黃翼升劉秉璋
李昭慶水陸馬步各營飛速趕追疊有斬獲該逆偷渡不遂勢窮
計迫僞趨高寶而下該處西阻重湖運東則襄下河水套南則江
海寬深最得地勢從前粵逆踞揚州不能越邵伯湖而東此次
捻逆匪亦豈能越邵伯而西聞該逆過寶應後多潛自雍疑沿
途並不放火縱掠其窮蹙概可想見北路水陸各軍旣星夜兜進
督臣曾國藩先已分派水師巡扼江口若就地勢蹙之一隅或可
一戰殲擒設竟假扮商民四散潛逃必嚴飭各口岸地方加緊查
拏總期不留餘孽仰副

聖主肅清中原之至意除俟續有捷報再行馳陳外所有運東六
塘河以北賊業經次第收降其竄過六塘河之賊又經追軍擊

敗由清淮下走高寶邵伯襄河一帶各軍晝夜趕迫緣由謹繕摺
由驛六百里具陳伏乞

皇太后

皇上聖鑒訓示謹

奏

覆奏餘匪悍目片

同治六年十二月十九日

再欽奉十二月十三日

寄諭前據李鴻章奏捻匪在馬光捻斬殆盡僅脫數百騎遁去何以忽有捻眾萬餘竄撲六塘河擾及鹽河逃逸餘匪究有若干逆酋悍目尙有幾人卽著確切查明具奏等因欽此查臣於九月十六日曾經附片

奏明大概軍營習氣賊甫至則羣事張皇賊一退則鋪敘戰績臣向所痛惡每誠諸將稟報賊情戰事勿得虛飾以便據實上陳在案前月二十九日劉銘傳等在壽光會戰大捷殲賊幾盡是夜尙未收隊劉銘傳卽懇恩手書馳報臣因此戰關係勦捻全局卽據其來書繕奏大略仰慰

聖廬嗣劉銘傳郭松林楊鼎勳初二日會報詳細戰狀與前書略

同惟稱收隊後獲查逆首賴汶沈落馬淹斃雖據擒賊所供天已昏黑無從認辨虛實我軍在陣上望見逃出賊騎一大團約止數百敗賊零星徧野趕殺不盡自夜達旦有隨後起歸賊隊者但不至過多等語臣又於十四日疏內詳及疊據淮皖各統將收撫降眾供詞及沿途州縣稟報均稱收賊南下不過數千沿運各防先後受降約三千餘人據六塘河浙軍統領李耀南稟稱初七夜賊撲該防衝過約有數百人臣弟李昭慶拉獲過河之賊訊供只渡過一千餘人連後起未渡者不過三千餘人張之萬初九日出奏計賊過河僅一日卽沿路擄脅斷不至驟添萬餘人之多張之萬但據姚廣武所稟仍軍營張皇陋聞耳至逆酋悍目尙有幾人據近來擒賊降賊口供不一有稱偽遵王賴汶沈偽衛王李永已斃於陣牛遂子任三厭宋三剛等糾領餘眾欲渡運回者稟往投張

總愚有稱賴汶洸李永尙在賊隊畏罪不敢投降迫欲逃隱臣惟
辦賊之要先誅最悍填自賊中實以任柱爲渠魁賴汶洸雖狡猾
而不善戰牛遂子雖能戰而年幼不足服眾其餘更無能爲現在
全股漸就削平僅數百騎逃入襄河必有逆酋在內已疊飭各軍
儘力追殺理合遵
旨確查覆陳伏乞

聖鑒謹附片具
奏

生擒賴逆東擒肅清摺

同治六年十二月十九日

奏爲擒逆餘眾自壽光大捷後南奔江境由清淮下走高寶邵伯
盪經追軍擊敗復竄揚州東北灣頭瓦窯鋪一帶經臣部淮軍華
字營攔河截剿生擒首逆餘賊悉數殲除東蘇皖豫鄂五省一律
肅清恭摺馳陳仰慰

聖廡事竊擒逆餘眾數百騎由清淮下走高寶邵伯各軍晝夜兜
追並經臣查明逆首賴汶尙未殲斃各緣由於十九日丑刻馳
陳在案頃復接據派防揚州之統帶華字營淮勇卽選道吳毓蘭
稟稱十一日戌刻賊眾突至灣頭立卽出隊迎擊獲勝星夜派兵
四路趕追該道督游擊梅宏勝參將杜長生游擊吳輔仁由運河
東岸向前追殺遇賊於瓦窯鋪兩夜昏黑逆騎數百拚死拒戰五
更時該逆縱火燒屋志在逃逸我軍冒雨直前砍殺吳毓蘭於火

光中望見一騎馬老賊手執黃旗指揮知是逆首連放數鎗賊馬
創斃當將該逆生擒餘逆紛紛投河淹斃並擒賊眾三十餘名東
路一股剿滅無遺訊據賊眾指認生擒者實係逆首偽導王賴汶
沈該逆亦自認不諱年四十一歲面黃有鬚容再解送訊辦副將
吳育仁等由連西沿河追殺三更時遇賊於槐子橋馬賊正在放
火我軍鎗礮迭施一擁而前殺賊百餘名生擒二十餘名餘逆向
西南奔竄淮揚水師營官繆福寶吳家榜鹽捕營都司曾德麟齊
來兜剿合力擒捕西路餘匪亦殲滅無遺所有善後擒斬皆在擒
殺之內現仍四路搜追長江水師提督黃昇山西藩司劉秉璋
候選道李昭慶均隨後督隊追趕接應各等情前來臣查粵捻兩
逆糾合而成約有數股倡亂已十數載上年冬間始分爲二一竄
陝西僞小閩王張總愚係張落川之姪向不若任賴等股之眾且

悍該股專係擒匪並無粵逆在內一竄山東偽魯王任柱等係蒙
恩擒首偽逆王賴汶沈等係粵逆餘黨任柱馬步賊爲最善戰賴
汶沈爲最善謀兩逆狼狽相倚固結不解自親王僧格林沁督兵
苦戰數年賊漸窮蹙死黨已不踰萬四年四月僧親王殉節曹南
逆勢驟張擄脅愈眾兩江督臣曾國藩受任於收軍之際緣僧親
王舊部潰散添調湘淮各軍久戰東南於北方地利賊情尙未深
習是以督辦年餘疊獲勝仗而未遽成功去年臘月臣遵
旨接受帥篆其時任賴等股入鄂飽掠官軍勝敗參半鮑超今年
正月十五日永隆河大捷稍挫其鋒奏稱賊數尙不下十萬曾國
藩與臣會於徐州諄諄以逆勢猖獗勦辦無功爲恨屬臣耐煩忍
辱務將此股設法殄除以報

國恩而酬同志臣自維才力遠不逮信格林沁曾國藩諸臣值此

時艱義無諉卸既面懇會國藩回任爲籌後路糧餉一切軍情調度事宜仍懍遵

諭旨隨時咨商以資裨益並與皖豫漕鄂各疆臣通力合作趁賊竄東境爲倒守運西進紮膠萊就地圍剿之議前直隸督臣劉長佑督安徽撫臣英翰河南撫臣李鶴年前湖北撫臣曾國荃及臣兄署湖廣督臣李瀚章實贊成之各派重兵越境分段聯紮臣因兵力不足又遵

旨咨商浙江撫臣馬新貽亦派三千人來助膠萊之防經營數月而潰逆醜復熾仰蒙

聖明督責綦嚴猶曲諒事勢之難不遽爲譏謗所撓私衷感愧早作夜思惟冀運防完固先制賊使不流勦兵加勁乃蹙賊使自困九月以前劉銘傳潘鼎新周盛波疊獲小勝竄因賊眾兵單未能

制其死命。復探派郭松林楊鼎勳抽併運防大隊。剋日整練。決一死戰。十月十七日。劉銘傳安邱之捷。已得機勢。二十四日。劉銘傳復設計殲斃。任逆賊膽大寒。而黨羽未盡。摧也。潘鼎新二十八日。海州上莊之戰。斃悍賊甚夥。十一月十一二日。劉銘傳唐仁廉等在濰縣壽光抄擊。一晝夜。賊眾心搆投降。遂多郭松林楊鼎勳潘鼎新繼之。無戰不捷。至二十九日。壽光瀾河之役。劉銘傳郭松林楊鼎勳追七十里。始得接仗。戰至十數回合。又追殺四十餘里。斬獲幾三萬人。賊之精銳器械。驟馬輜重。拋盡。蓋軍興以來。罕有之事。軍士回老營。皆親加拊慰。皆而無人色。其飢憊勞苦。亦可憫矣。敗賊到宿遷。後沿運乞降。遠近軍民共知其窮蹙。已極。乃悍酋賴汶洸前在瀾河。收後落水。未斃。復糾同逆黨千餘騎。衝出六塘河防。經漕。張之萬起緊調隊。兜追黃翼。升劉秉璋李昭慶水

陸馬步銜尾而下節節進勦祇朕數百騎信人高寶水鄉臣與會
國濟先派有華字營在揚州進河扼守請軍戮力前截後追竟能
殲除全股肅清五省實非臣等始願所敢期此皆仰賴

兩宮

皇太后宵旰焦勞

聖主德威遠播廷臣贊畫於內疆臣合謀於外數省將士竭力用
命艱險備嘗故收功如是之速臣與弟李昭慶受

恩極渥無可報稱不敢再邀

獎敘自取災眚所有臣軍諸將勦擒三年論功以直隸提督劉銘
傳爲第一福建提督郭松林杭州副都統潘慶記名提督陳振邦
湖南提督楊鼎勳次之長江水師提督黃山升山東布政使潘鼎
新山西布政使劉秉璋涼州鎮總兵周盛波等又次之謹先繕具

清單伏懇

恩施此次生擒逆首賴汝洸之候選道吳毓蘭謀勇兼優懇
特恩破格立予簡放道員實缺並

賞加布政使銜以示優獎其餘出力將弁兵勇及籌餉轉運著有
勞績人員容臣查明核實分案列保其各省會同防勦出力員弁
及地方紳董均請

飭下各該督撫查核奏獎以示激勸至逆首賴汝洸俟臣提解來
營訊供再行請

旨辦理所有擒逆全股撲滅東蘇皖豫鄂五省肅清各緣由謹繕
摺由驛六百里加緊馳陳仰懇

宸廡伏祈

皇太后

皇上聖鑒訓示謹
奏

籌辦目前緊要各事片

同治六年十二月十九日

再欽奉十二月初七日

寄諭東省捻勢雖蹙該大臣務趁此機會迅圖殄盡此後搜捕餘匪安插降眾事事均關緊要等因欽此臣思目前緊要之事須次第籌辦者實有數端東捻人數本眾臣仰體

皇上好生之仁剿撫兼施自十月間任逆伏誅卽徧張示諭播散敗賊中准令投誠免死嗣是我軍每次戰勝紛紛乞降十一月二十九日壽光大捷全股瓦解械環跪者不絕於道諸將因追剿緊急送回運防老營自濟甯下至六塘河降眾與兵勇開雜卽前敵馬步隨隊協剿者亦尙不少亟須清理安插其有田里可歸應分別資遣遞解回籍飭地方官妥爲照料若無業游惰而又精悍能戰者暫留營伍嚴爲約束漸化其桀驁之氣再謀分遣此安插

降眾應急辦而難遽就緒之實情也東南及中原數省用兵年久
物力凋瘵民氣浮蕩游勇會匪到處糾劫外憂內患潛伏根苗各
省綠營頹廢素為宵小所輕尙須藉軍威以鎮攝臣所部各軍自
同治元年遂漸募練初係淮南農民居多迨克復蘇浙各城開收
粵匪降眾四年後全調剿捻隨地募補馬步水陸營數過多需餉
愈鉅數年以來竭兩江之財力供億此軍羅掘淨盡而各營每年
必欠放三箇月積逋如山曾國濟與籌餉司道屢請裁軍節餉臣
以運防游擊多一營得一營之助未敢遽議今東捻既平必應陸
續裁撤每裁一營應酌補欠餉若干糧臺無絲毫存項須與督撫
臣設法籌商未知能行銀款否此等慣戰弁勇在營食餉尙可守
法一經遣散其無業可歸者最易滋事以餉需時勢衝之皆須逐
漸辦理期臻妥慎此裁撤營勇應急辦而難遽就緒之實情也昔

周公東征三年零雨缺斯播諸風詩久役思歸固人情之常臣軍
各統領營官從征年久東南肅清後卽求假歸比因中原多故未
便遽允旋調勦捻馳逐數省轉戰終年日行百里忍飢耐寒憂讓
畏譏多人生未愆之苦境與各省兵將賊來則追賊去則息者勞
逸迥異臣去冬至徐州晤劉銘傳諄稱疲憊已甚欲速了此賊以
求開缺歸農今春以來周盛波劉秉璋潘鼎新皆疊請開缺出於
至誠臣以此捻未滅義無可辭鄂松林八月來營卽約以賊平歸
養楊鼎勳體弱多病更難久支今倖獲成功將士勞苦極矣用馬
不竭馬之力用人不竭人之力似應留其有餘仍備異日馳驅卽
臣自咸豐三年正月從軍今已十五年矣無歲不親戎馬苦身焦
思時懼隕越苟其稍可支撐豈敢遽求退息惟年未五十飽嘗艱
險精力已不如前實難久承重任俟裁遣稍有端緒應再懇

恩准將

欽差大臣關防專員齎京呈銷諸將請假當酌量准行或所部裁撤後酌飭赴任如堅請開缺果其情事不可強留當再據實奏懇此又體察軍情宜稍休暇而難遽責令遠役之實情也所有目前緊要各事須次第籌辦大略謹附片奏明伏乞

奏
聖鑒謹

陳藩請簡用片

同治六年十二月十九日

再前任安廬滁和道陳藩去年四月奉

旨開缺送部引

見八月請咨入都該員在皖數年廉明貞介勤政愛民招集流亡振興學校政績卓著與情極爲愛戴去年九月臣在署兩江總督任內奉

命督師徐州當經據實

奏保請留營差委並懇

恩量予擢用欽奉

諭旨准其留營在案該員自到營以來總理營務贊畫機宜以及收撫難民解散降眾夙夜辛勤深資裨助現值任賴等股全數殲滅實屬著有微勞嗣後裁撤營勇安插降眾大半籍隸皖省之人

正須得力監司大員督率地方官妥爲綏輯方免別滋事端該員
德政在民從征以來與淮軍將弁均相熟悉且由翰林御史出身
久居侍從并非軍功保舉未經引

見人員合無仰懇

天恩俯准免其送部引

見仍以安徽道員候

旨簡用并

賞戴花翎以示鼓勵出自

逾格鴻慈是否有當伏乞

聖鑒訓示謹

奏

搜捕餘匪賴逆正法捐
同治六年十二月二十七日

奏爲派兵搜捕餘匪據報經院軍全數收撫並逆首賴汶洸就地
正法各情恭摺仰祈

聖鑒事竊捻逆任賴等股次第殲除臣於十九日循例報捷並聲
明官軍仍四路搜追在案旋接揚防道員吳毓蘭稟稱十一夜捻
匪賴逆仍派隊在河西搜捕逃匪水師營官繆福賓吳家榜亦帶
隊登岸分投截擊十二日黎明有零星馬賊被兵衝散三五成羣
均經追獲惟霧雨迷離對面莫辨尙有敗匪向天長逃去李昭慶
十三日自揚州派令道員余思樞總兵葉志超楊岐珍馬步隊由
天盱儘力前追據余思樞稟稱十五日抵天長探詢賊股十餘人
竄天邑之汊河被鄉團擒殺淨盡月股二百餘人由來安之自來
橋竄往盱胎津泥鎮余思樞連夜緊追十六日黎明及之督令弁

勇團練兜擊殺賊十餘人奪馬數十匹適前提督李世忠專人聲稱伊已招降遂將賊眾帶往該提督舊縣圩內等情臣稔聞李世忠與該擒首素多熟識今春撫臣英翰曾令伊設法招撫當卽面飭余思樞等妥商酌辦山東藩司潘鼎新追至清江亦派提督戴春林馬隊赴盱眙搜捕回報擒首李允等實已投降李世忠此外並無餘孽臣正在疑慮臣又據前江南提督李世忠二十日稟稱前蒙撫臣英翰屢邀助辦到潁州就商密辦難期得手今因賊被圍困恐其竄逃趕赴亳縣團防適賊由自來橋逃至內有偽魏王李允等跪求投誠據李允口稱被官軍擊散情願管押限期招降西擒賊匪查點馬騾二百餘匹擒黨約二百餘名當誣勸李允等卽隨該提督由水路投大營立功自贖並留賊數十名在舊縣看守馬匹以堅其信各等語查逃匪既在皖境李世忠

係英翰屬令招撫李允等酋已解送順州英翰當能相機辦理不致復爲後患聞牛遂任三厭皆在其內想英翰必分別妥辦奏報在途此股捻賊已經剿撫淨盡臣軍馬步各隊已飭各撤回原防休息矣至逆首偽總王賴汶沈一犯臣前已奏明提解來營訊供接准兩江督臣曾國藩咨稱已批飭統帶華字營道員吳毓蘭會同兩淮運司李元華訊取確供卽在揚州就地正法仍照上年克復金陵擒獲偽忠王李秀成之例由臣備文傳首被擾各地方以昭炯戒等因先據吳毓蘭稟呈賴逆親筆書寫供詞詳述十餘年來謀叛情形資格之老狡計之多一一如繪實已毫無疑竇黃翼升李昭慶過揚面訊賴汶沈均稱該逆詞氣囁強與李秀成情狀相似不可遽解致有疏虞吳毓蘭卽遵批於十六日會同地方官將該逆正法仍由臣行知安徽河南陝西湖北江蘇山東六省

遞相傳首俾雪敷天之憤該逆親筆供詞甘心背叛不敢墮於上
聞謹照鈔原文恭呈

御覽內稱頭目任化邦牛宏升張宗禹李蘊泰等皆係捻首任化
邦已在嶺榆殲斃牛宏升卽牛洛紅上年經周盛波戰敗受傷而
斃牛遂卽牛洛紅之子李蘊泰卽偽魏王李允合併聲明所有派
兵搜捕餘匪經皖軍全數招撫逆首賴汶沈就地正法各緣由謹
繕摺由驛馳陳伏乞

皇太后

皇上聖鑒訓示謹

奏

擒獲巨酋請獎吳毓蘭等片

同治六年十二月二十七日

再蒙臺揔匪向以擄掠爲生性多蠢頑本無大志從前張落刑宮
瞎子孫葵心等雖擁眾數萬尙無僭稱名號之事自粵逆賴汝洸
與之合夥以洪楊各逆軍法詭謀部勒其眾擅稱魯魏荆梁各王
東西分竄患幾不測任桂斃後劉銘傳曾誘賴逆投降該逆至死
不變今被擒後口供猶堅強若此若不速除其劫賊必無已時仰

賴

聖主洪福殲此巨酋卽竄晉之張總愚亦當聞風寒膽吳毓蘭生
擒首逆厥功甚偉業經懇

恩優獎是日會同兜擊之淮揚水師營官繆福賈吳家榜隨後緊
逼追剿之馬隊營官者貴葉志超楊岐珍均屬尤爲出力准督臣
曾國藩咨請保獎並黃翼升劉秉璋查報前來合無仰懇

聖恩將記名總兵繆福寶者貴均記名以提督簡放並

賞換清字巴圖魯名號記名提督吳家榜遇有提督缺出儘先提

奏記名總兵葉志超楊岐珍均

賞給清字巴圖魯名號仍以總兵遇缺提奏俾示激勸其餘在事
出力文武員弁俟續查明彙辦謹附片具陳伏乞

聖鑒訓示謹

奏